

皇明從信錄

皇明從信錄卷二十

東莞陳建輯

秀水沈國元訂

景泰三年壬申

正月 上皇在南宮。○刑部侍郎耿九疇鎮守陝西。至陝
除弊屏貪。威望大著。先是六部卿佐外使。文移不得遽下。
按察司以故偃蹇不受約束。時奏得下。時邊將請增臨洮
兵。○成慶龍奏邊城士卒不爲少。將發。嚴紀律。精練習。
○使臣絕使。○趙銳氣。○可。○實。○加。○厚。○資。○毋。○明。○信。○人。○人。○自。
○資。○不。○然。○徒。○冗。○食。○耳。○竟。○不。○增。○戍。○遣。○使。○貽。○瓦。○刺。○可。○汗。○書。○云。○我。
○爾。○家。○自。○祖。○宗。○來。○與。○可。○汗。○無。○嫌。○已。○因。○使。○臣。○往。○來。○關。○構。○生。○腹。○心。

前事不必留意。念可汗能敬順天道。復遣使皮兒馬裏麻
等遠來朝貢。厚意良善。朕優與陞賞。宴勞。辭貢馬直。所許
索罷。附去。但云答使事。往有報書。恐小人有短長言語。傳
和好。徒使利歸于下。怨結于上。但瓦剌人朝貢者。聽然亦
須人少。賞待可得厚。中國人民男女。在瓦剌者。後使與偕
來。重賞不吝。

二月也。先攻破普化。可汗來獻捷。○北虜也。先遣使來通
好。固邀我使往報。居言路者。以爲虜懷窺伺之心。宜絕之。
勿往報。便執政柄者。以爲苟不往報。恐開邊釁。待講割定。
之言。宜遣使羈縻之。使我得^是以益修內治。朝廷從言官

之議詔絕之、而令羣臣具議備邊長策、○兵部侍郎李賢
上言、虜所以敢輕中國者、恃其弓馬之強而已、臣觀今日
之拒馬木、止能拒馬、不能避箭、挨牌止能避箭、不能拒馬
今中國長策、惟有所謂戰車、若衛青之武剛車、可以禦之
而又有取勝之道、則火鎗是也、論中國之長技、無出於此
若用得其法、虜弗能當也、臣觀車製、四圍箱板、內藏其
下留銳眼、上開小窗、長一丈五尺、高六尺五寸、前後左右
橫排鎗頭、每車前後占地五步、若用車一千輛、一面二百
五十輛、約長四里、欲行則行、欲止則止、謂之有脚之城、
○軍馬糧草輜重、以此禦敵、使馬不得衝陣、箭不得傷人、

全在用之
得其法非
但戰車便
於行以無
恐也

使若近前火炮齊發奇兵繼出彼若遠遁我勢益張
益振備邊長策莫善於此

陳建曰李文達余肅敏丘文莊皆陳車戰之利而或有
以爲鷓鴣車者謂不得行也放之前代名將用車制勝
者不獨一衛青如馬隆平涼州朱超石郝懿等亦取
勝大眼唐哥舒翰馬燧宋魏勝皆嘗用之戰敵何不
以爲鷓鴣耶愚故于治安要
議以修車戰爲備邊之首

以右僉都御史李秉彜贊宜府軍務總督邊儲抵任請銀
三萬兩買牛給貧乏軍民樂業選餉充足時北虜以剽掠
男婦易糧米朝議大口米一石小口米五斗虜不從秉曰
是重物而輕人也每口與米一石總兵官以爲礙例秉曰
何忍使吾民赤子爲夷人耶導擅之咎吾任之悉如數與

之後聞帝以秉爲能

四月命都督同知孫安鎮守獨石馬營等處以都給事中葉盛爲山西右叅政協贊軍務先是獨石馬營等八城遇虜失守殘毀未復議者欲弃之于謙曰弃之則不但宣府懷來難守京師不免動搖乃荐安授以方略命盛贊其軍盛至列其利害仍爲八條以進次第行之與安率兵度龍門關且戰且守八城完復如舊盛又請官錢五千兩買牛千餘頭摘戍卒不任戰者俾事耕稼稅課餘糧于官凡軍中買馬除罷勞功恤貧諸費皆于是乎取給盛在獨石五年邊人賴之○學士商輅言邊外田地極廣因在京勅

興鎮守總兵參將并諸指揮等官將附近城堡膏腴田地
占爲己業軍士無可耕之地今日守邊要議莫善于興復
屯田之制事下所司議行

正德曰我國家邊費最大欲省轉運之費莫若興屯田
兵法取敵一鍾當五十鍾屯田一石可當轉輸二十
石趙充國留田湟中內有屯費之利外有守禦之簡卒
坐困西羌唐韓重華營田之利東起振武西逾雲川極
於中交降城歲省錢千三百萬解此前景之明效
也今三邊之地固在也而今日無能行之者何哉

五月二日詔立皇子見濟爲皇太子生母杭氏爲皇后廢
皇后汪氏居別宮改封 上皇長子皇太子爲沂王次子
見清爲榮王見淳爲許王廷臣俱兼官僚先是 帝欲易
太子恐文武大臣不從乃默與王誠舒良謀先啖內閣諸

下略上上
亦略下可
似天火

學士各賜金五十兩銀一百兩陳循輩惟知感惠遂以太
子爲可易時廣西思明府知府黃瑠以折禦功累官廣西
都指揮使庶兄黃玠欲奪嫡陰謀殺瑠巡撫廣西刑部侍
郎李棠總兵都督僉事武毅發玠情罪置獄當死玠知帝
意欲易儲無人先發遣人赴京先賂用事者然後上疏請
易太子下禮部會多官議陳循草詔已與衆將覆奏署名
王直有難色循持筆作半跪直不得已亦署給事中李觀
對衆洒泣都給事林聰御史朱英陳不可不止奏上憲
廟出就沂邸而見濟立于是陞賞太濫有滿朝皆太保一
部兩尚書之譴王直得所賜元寶扣案頓足歎曰此何等

人其其言
但不可朽

大事乃出一發夷耶。吾輩愧死矣。累疏求退。然佩陞詹事府丞。聽陞右春坊司直。皆不辭也。玠以大赦。原免復職。尋陞都督。毅降黜。棠致仕。及上皇復位。玠飲藥死。斷棺輓尸。子政等皆伏誅。○上既冊懷愍爲太子。尚書楊翥以潜邸舊人。自吳入賀。僉事陳祚一見語之曰。異哉公之此行。吾謂公當諫也。奚賀爲。翥無以應。○初上欲易儲。語太監金英曰。七月初二日。東宮生日也。英叩頭曰。東宮生日是十一月初二日。上爲之默然。蓋上所言者。謂見濟英所言者。謂上皇長子也。與魏徵獻陵之對相似。英之賢若此。陳循輩亦可以愧死矣。

陳建曰：人與錄云：景泰欲易太子，羣臣未於利害無
敢異辭。於是即以官僚美秩付之閣下，任其所取。文武
群臣預者十七八，自公孤而下，數十人爲一，保者十人
名位之濫，一至如此。惟賢等侍郎四五人不預，一易之
後，人情悵然不平。貪其利者，自以爲榮幸，不知議者已
知其非善。後之計也，已而天道一還，盡革無遺。而諸
責者亦多，同視不預者反有愧焉。榮
辱相尋如此，士之立身，不亦不審也。
薛應旂曰：南坡之譔，已昧子臧之節。易儲之舉，益滋紛
臂之譏。王直猶知憂死，而委任權力之重，如于謙者，
獨無一言。天順丁丑之及，
恐亦不當獨罪徐有貞也。

命侍郎李賢、姚夔、副都御史洪英等分詣兩直隸及十三
省考察庶官之不職者。

按天順日錄謂洪英、儒雅君子，泊往浙江考察，爲彼黜
者妄訴之，且加誚毀。朝廷不及察而罷之，令致仕。及
觀其行，妄作之人飽載而還者，反無是非之懷，不知此
又何也。愚謂考察庶官在命使，而所以考察命使在朝。

廷當時公道不明如此又何用考察爲

九月南京兵部尚書王驥致仕

十月命太子太保左都御史王文入閣叅預稅務

癸酉 景泰四年

正月、上皇在南宮。○改侍郎耿九疇爲副都御史仍鎮守陝西。時詔陝西市羊角爲上元燈。九疇上疏略曰。昔宋神宗買浙燈。蘇軾諫止。今買羊角製燈。無乃類是。書曰。不矜細行。終累大德。乃止。○吏部尚書何文淵罷。時科道交章劾文淵貪縱奸邪。乞治其罪。文淵自言易儲有功。詔書所云。天祐下民。作之君。父有天下。傳之子。已所屬對也。乃令

致仕

為人改官
後下獄
其果

按天顯日錄何文忠公守溫時家靜嘉故一郡大治召
爲刑部侍郎雖有深意以爲王之所弗克遂人亦未
知之也後以故乞病歸王欲未天下多事延臣交章乞
起之遂累遷家室其外雖用人亦之降詔請之遂始露
而居言路者不徒容矣向使病去不出作郡清名
必然傳後今也雖得高爵而喪其美可足羨哉

三事贊一
事

二月以王翺爲吏部尚書時吏書缺上命舉可稱任者
練綱率諸御史上言左都御史王翺嚴公峭直右副都御
史年富操履端方大理寺卿薛瑄持正不回此三人者擇
而用之庶能品藻人才追蹤王直于是召翺爲吏部尚書
翺嚴加考察公銓注抑奔競杜請託一時任使並稱得人
七月北虜也先弒其主脫脫不花併其部落遣使入貢

八月增定各鄉試取士額數累朝以來漸增取士額順天應天二府各一百名浙江福建各六十名江西六十五名河南廣東皆五十名湖廣五十五名山東四川皆四十五名陝西山西皆四十名廣西三十名雲南二十名正統三年景泰元年開科皆不拘額數至是以天下人才彌盛始加增定焉順天應天各增三十名浙江江西福建河南湖廣山東各增三十名廣東四川陝西山西廣西各增二十名雲南增十名○改各處鎮守侍郎為巡撫都御史時議以鎮守侍郎與巡按御史不相統屬難於行事又文移往來亦多窒礙故也

彭韶曰、我朝初制、歲遣監察御史巡按方隅、或大麓重患、乃遣廷臣行視、謂之巡撫、迄事而止、無定員、宣德中、以關中、江南等處地大而要、始命官更代巡撫、不復罷去、正統末、南方盜起、北虜犯邊、於是內省邊隅、偏置巡撫官矣、

命兵科給事中鄭林操練團營軍士、林既受命、遂以軒轅破蚩尤之陣、教閱軍伍、具疏繪圖以進、曰、臣通考古今陣法、莫有過於軒轅、皇帝破蚩尤之陣、夫古之蚩尤、卽今胡虜也、黃帝按井田作陣法、大軍歸中、專主旗鼓、八節旋繞、悉聽指揮、若正北受敵、則東北、西北、二兵爲奇兵、張左右翼以援之、若正南受敵、則東南、西南、二兵爲奇兵、張左右翼以援之、其正東、正西、及四隅受敵、亦如之、所謂常山之

蛇擊其首則尾應擊其尾則首應擊其中則首尾相應者也古之名將知此法者惟太公望孫武子韓信諸葛孔明李靖諸人而已吳起以下莫能知也其名曰天地風雲龍虎鳥蛇八陣者則諸葛孔明也一大陣之中固有八陣而小八陣之中亦各有八陣大陣則法伏羲八卦小陣則法文王六十四卦所謂陣間乎陣隊間乎隊者也若夫造柙甲有九星開八門用三奇者則又黃帝命風后爲之也蓋聖人以神道設教以神其術使人莫知之所以然也大將居于玄武之位而北嶽則常山蛇也故曰常山蛇陣林浙江常山人時居兵科見團營軍無統制每出征人馬多雜

有守有本
可謂完品

踏致死劾其操練不如法當國者遂請以事委之林乃用
此陣教閱隊伍始整其法至今不廢○命太監阮安往治
張湫決河道卒安交趾人爲人清苦介潔善謀畫尤長於
工作之事其修營北京城池九門兩宮三殿五府六部諸
司公宇及治塞楊村驛皆大著功績工曹諸屬受成而已
平生賜予悉出私帑上之官不遺一毫蓋中官之不易得
者

按我祖宗盛時內臣不預政賢否皆混於無迹正統
而後司禮監用事而後賢否分而阮安金英懷恩輩得
先顯名焉弘治而後內臣難乎若人之選矣竊謂近日
錄名臣者附阮安輩二三人以示內臣表儀風勸在前
而人益知所
以自勵矣

食大興縣
庸無異

歷血誠于
保上干載
不墜

召大同總兵定襄伯郭登還朝。先是登上疏曰：「往者承平日久，人心驕逸，官亡廉恥，惟肆貪婪，釀成汚濁之風，致有夷狄之禍。」又曰：「虜勢雖云請和，變態豈能預度，倘或渝盟，則大同一鎮首先受敵。及今無事之時，若不早為措置，一旦賊至，又似前日手足無措。中國受侮已深，邊事豈容再壞。正欲大興屯田，以病召還。」

九月，左都御史陳鑑致仕。尋卒。鑑吳人，先鎮守陝西十餘年，有惠政，陝人尸祝之。

十月，以左諭德徐有貞為右僉都御史，遣治張湫決河。先是河溢滎陽縣，自開封府城北逕曹濮以入運河，至兗州。

府沙灣之東陞大洪口而決濟汶諸水皆從之入海會通河遂淤漕運艱阻先後遣工部尚書石璞侍郎王永和都御史王文相繼治之皆弗成底績至是集廷臣議于文淵閣舉可以治水者以有貞名上遂擢用之

按有貞先名理以倡南遷之議爲太監金英所叱遂憤振綱因以玉帶獻于陳道備教之曰汝當更名無使內家習知庶朝廷忘其議而薦可允也乃更名至是遂舉治河奉命詣行慶地治水作九堰入關以制水勢淤漕渠凡四百餘里堅三載始訖工

十一月皇太子見濟卒

甲戌景泰五年

正月上皇在南宮○積雪恒陰詔求直言○會試天下舉

以兵部侍郎兼學士商輅洗馬李紹爲考試官取彭華等三百五十人廷試賜孫賢徐濟徐輅等進士及第出身有差是科張寧內丘濬何喬新楊宜耿裕鄧廷瓚皆以功名顯

四月南京大理少卿廖莊應詔上疏不報

時災異下詔求言南京大理少卿廖莊疏曰上皇成
聖房廷上上無有萬方展降詔書以大兄皇帝鑒
與未復勞勩未報爲意皇上上之心卽堯親九族微五
典之心也相部府神聖皇上上勝美迎歸上皇於南
宮臣遠臣未知皇上上於萬幾之暇曾時朝見以飲天
倫之樂教友愛之情否也臣自爲翰林庶吉士初給
事中大臣寺丞時親上皇卽位之初遣太師英國公
張輔吏部尚書郭璉客正副使副封皇上上有人國
每遇元旦冬至令節羣臣見皇上上于東宮自官感
上皇兄弟友愛如此天下其有不治乎今幸上皇迎

人所難言
之路原公
既切至此
地禁教中
第一奏疏

緒代望篤親親之恩萬幾之暇時時朝見上皇於南宮或講明家法或論確治道仍令羣臣時令亦得朝見以慰上皇之心如此則孝弟刑于國家恩義通于神明災可弭而祥可召矣然所係之重又不特此太子者天下之本臣愚竊以為上皇諸子皇上之猶子也宜令親近儒臣誦讀經書以待皇嗣之生使天下臣民曉然知皇上有公天下之心蓋天下者太祖太宗之天下仁宗宣宗之繼體守成者此天下也上皇之北征亦為此天下也今皇上撫而有之必能念祖宗創業之艱難思所以係屬天下之人心矣近年日食星變地震且陷山崩水溢災異疊見非止霜雪不時而已臣切憂心以為弭災召祥之道莫過于此不報

新建隆福寺成車駕擇日臨幸有司已夙駕除道太學生楊浩上疏陛下卽位之初首幸太學海內之士聞風快覩今又弄儒術而崇佛道豈有聖明之主事夷狄之

而可垂範後世者耶。儀制郎中章綸亦疏言。備者齊魯
之法。非聖人之道。以萬乘之君。臨非聖之地。史官書之。傳
之萬世。實累聖聰。上覽疏。即日罷行。先是虜也。先弑
其主而併其衆。浩請乘虜使未還。出其不意。調遼東諸路
兵討之。二疏既上。浩名震京師。○時又有太學生姚顥疏
言。王振竭生民膏血。修大興隆寺。極爲壯麗。車駕不時
臨幸。夫佛本夷狄之人。信佛而得夷狄之禍。若梁武帝足
鑒前車。請自今凡內外修葺寺院。悉行拆毀。用備倉廩。勿
復興作。萬世之法也。時不能用。自正統至天順。京城內外
建寺二百餘區。諫官不言。故二生取重于世焉。

五月下禮部章給監察御史鍾同于獄時所立皇太子
見濟遼疾殤殂鍾同手疏請朝上皇復沂王爲皇太子
未上以示都御史劉廣衡止之以諷禮部尚書胡漢民
不敢對曰作死同不聽竟上之下禮部會多官議適
章繪疏陳修德弭災十四事其一謂太上皇君臨天下
十四年是天下之父也陛下嘗受冊封是上皇之臣
也伏望時節率羣臣朝見於南宮以敦同氣之情以隆
尊榮之禮而又復汪后于中宮以正天下之母儀復沂
王於儲官以定天下之大本如此則和氣可致天意可順
災沴可消矣疏入帝覽畢大怒時已暮宮門閉乃傳

善

道士選知
州然于此

自門隙中出命錦衣衛即刻逮捕入獄拷訊又二日兼鍾
同逮治日加拷掠流血被體通令誣引大臣并南宮通謀
不服復加炮烙之刑窮治慘酷瀕死卒無一語會天大風
雨黃沙四塞乃密勅錦衣衛緩其獄令囚禁終身○時兵
部觀政進士常熟楊集以書上千謙略曰奸人黃竈進易
儲之說以迎合上意本爲脫身計耳公等國家柱石乃應
宮僚之賞而不思所以善後乎脫二人死杖下而公等坐
享崇高奈清議何謙以書示王文文曰書生不知朝廷法
度然有膽氣當進一級處之遂出爲安州知州○時有給
事中吳江徐正密請召見屏左右言今日臣民有望上

皇復位者、有望廢太子、沂王嗣位者、陛下不可不處、
宜出、沂王於所封沂州、增高南城數尺、伐去城邊高樹、
宮門之鎖亦宜灌鉄、帝怒、黜爲雲南經歷、復眷所淫者、
未行、乃謫戍鉄嶺衛、又有御史滑縣人某、亦言南城多樹、
事叵測、遂盡伐之、時盛夏、上皇嘗依樹涼息、及樹伐得、
其故懼甚、

按上皇復位之後、下御史詔、
獄杖殺之、徐正受凌遲之刑、

召薛瑄爲大理寺卿、先是瑄爲王振所陷、落職家居、已、
之變、以薦起爲大理寺丞、尋陞南京大理寺卿、太監金英、
奉使道南京、公卿俱餞於江上、瑄獨不往、英賢之、至京、直、

卷中亦不
在得

於衆曰。南京好官。惟薛卿耳。尋被召命。時蘇松飢民饑
富家不與。遂焚其舍。蹈海以避罪。遣王文往按其事。坐以
謀叛。連及者五百餘家。瑄抗章力辨之。獲免者衆。文謂人
曰。此老倔強猶昔。○齊庶人賸懌。谷庶人賸懌。移置南京。
六月勅儒臣纂修宋元史書。做朱文公例。編纂上接資治
通鑑綱目。共爲一書。

七月復勅禮部纂修天下地志。○詔頒君鑒錄于羣臣吏
部侍郎李賢擇其中善可爲法者二十二君。每君擇取最
切要者三四事。集爲鑑古錄。上之。

按天順日錄。景帝覽此疏。不省問中。官王誠等曰。此
奏欲何爲。詔對曰。欲陛下學此數君耳。乃領之。

誦福建巡按御史練綱為邠州判官時福建官臺山民聚為盜綱趨兵捕其渠魁而釋其協從於是與諸司相忤按察使楊珪奏其縱盜當道亦多忌綱遂致遷謫綱適遭父喪自是遂不復出矣

長州練綱由解舉歷事都察院上中興要務入條又上勳王急務疏帝命施行之綱請左都御史陳公鑑曰刑部俞公有意以臺端薦我其謂尚書俞公士悅謂陳公亦如之二公相贊無有也始悟其欲求薦而難於登言念綱數上時政疏有聲且畏其口遂以綱名應授御史景泰四年命綱協贊陝西延綏等處軍務自陳名無責重乞陞食都御史庶可壓服人帝謂陞官豈可自乞然則此公之躁進有素其外補宜也

乙亥 景泰六年

五月 上皇在南宮○命太監班祐鎮守兩廣○總督

駐作亂合諸山獫狁大肆殺掠民罹其害昂乃調江西兵及種人同官軍直抵徭巢斬獲甚衆陞左都御史

按瀧水羅僞徭賊自馬恭襄征後天順初業成歲化元年再舉再征之至今八十餘年無復議征者賊日益肆矣今邊臣猶議西復哈密北復大寧東勝河套爭不毛之地今此瀧水羅僞一帶乃吾郡縣內地距德慶州治僅隔一江去梧州總府不百里爲兩廣往來咽喉奈坐視其暴掠吾民阻截江面爲肘腋之患而不恤緣江南岸數百里山林叢密不敢毀傷其一草一木朝廷何用設此鎮衛爲矣霍韜謂羅僞瀧水之賊爲害深矣而有司不肯議征彼欲以復兵建舍并官軍分爲數道一自鬱林入一自高州入一自新會入一自德慶瀧水入四面并進而梧州大兵上流振之且縱火盡殪其林木使無所蔽羅僞瀧水之賊反掌可平也嗚呼馬恭襄韓襄毅諸公何人哉

三月逮南雄知府劉實下詔獄

實以宣德五年進士。改庶吉士。乞養。陞金華府同知。以廉直著聲。擢爲順天府治中。召修元史。筆削任心。無所咨承。屈避見他人書。不合己意。輒大笑。聲徹閭閻。聞者驚愕。相戒勿以素示。出爲南雄知府。南雄富嶺南孔道。商稅巨萬。知南雄者。輒盈腰。惟其餘餽過客。得其權心。且爲游聲譽。實至存稅十一。籍郡學。補張九齡大庾嶺松。不肯私一錢。未數月。有朝使嶺外。至南雄。意得重賄。不得輒苛辱實。鄙人權實出。朝使去。至部。鄙人爲言南雄守且駮奏。明使橫索賂辱太守事。朝使惧。怒傳馬馳奏。實抗勅使。議勅大不敬。詔逮至京。下獄。獄中上書言臣蒙恩仕官三十年。不以妻子自隨。養粗衣敝。欲爲國家愛養小民。不悉勞費。以是觸忤天使。無所逃罪。上不復更窮治。不數日。竟卒獄中。實喜著書。平生辛苦。君子比之范丹。李及云。

八月杖南京大理少卿廖莊及前郎中章給御史鍾同。午門誦莊陝西定羌驛丞同死杖下。先是莊嘗上疏劾上。

帝親上皇及加恩沂王忤旨至是莊以毋喪至京賜給
勘合陞見命錦衣衛李在午門前着實杖八十請邊遠驛
丞并拿章綸鍾同各杖一百同歿杖下給禁錮認獄

丙子景泰七年

正月于謙以病在告帝遣太監興安舒良視之謙持身
嚴一毫不苟取位至孤卿先世室廬盡畀其弟惟市屋數
間以居正室董氏卒謙時年未五十不再娶以王事多艱
窮年不還私第居止朝房留一養子自侍食無重味非公
宴不置酒嘗緣疾在告興安舒良奉旨更番來視見謙自
奉諸凡過於簡朴歎息因以聞特爲計所資用一切上方

製之至輟向膳醢醬蔬菜之屬爲賜。駕幸萬歲山伐竹爲漚以和藥丸尤異數也。言官嘗言柄用過重與安言只說日夜與國家分憂不要錢不愛官爵不問家計。朝廷正要用人似此才華一个來換于某衆官默然而退。

陳建曰按菽園雜記兵部侍郎王偉先任職方郎中因少保于公薦陞是職未幾伺于公過竟密奏之。景帝信任于公方專召人以偉奏授之公叩頭認罪。帝曰吾自知卿卿勿憾也公既出偉下堂迎問之曰今日聖諭爲某平公曰姑入語之既入復請乃笑曰老夫有不是處賢第當面言之未必不從也何忍至此乃出奏示之偉惶愧局脊無地若臣相與如此誰得而問之于公所以致信任之專實由與安全英諸人之力又按項綴錄景泰間用人多害訪于少保于謙時缺祭酒翰林幹有貞齋意補之以門生楊宜爲少保內姻託爲之請至於再四少保曲意從之因中使言于上一日退朝道少保至文華殿辟左右諭之曰徐有貞雖有才華

心奸邪豈堪爲祭酒若從汝用之將使後生秀茂者
被他毀壞了心計少保無所對惟叩頭謝過而已

順天河間二府民飢命刑部右侍郎周瑄往賑之時二府
素無蓄積又連遭大水公私皆竭瑄奏乞裁省冗官停徵
糧种免追久欠馬驛牛羊暫罷供應柴炭夫役聽其採取
皇莊湖泊之利及乞招商中納鹽糧損其斗數借水次官
倉之粟濟民凡七事行之○調工部尚書石璞爲兵部尚
書調兵部尚書兼翰林學士江淵于工部時于謙以病在
告朝廷欲求一人協同之淵在內閣與同官不相睦欲
求出補兵部王文與商輅密擬內批調璞於兵部而以淵
代之淵不知之明日旨出淵太恚失聲

侯瑛河南臨漳人出舉人爲人平易類輕脫者遇事則明凜不可犯歷官四十餘年清介如一日致仕歸實田僅百畝鄉人有爲典史歸者瑛往其家几上陳銀器並列金杯十餘問曰汝宦幾年矣曰未滿考也曰何歸乎曰子民訟吾貪奪職瑛曰嗟夫使我治汝汝焉能還鄉里哉拂衣出

四月沙灣堤成

五月洗馬柯潛奉命主考應天鄉試初入境時泊舟淮安有應試生暮夜投謁潛叱之彼以重賂遺前固請潛怒命左右執付有司以法懲之○寰宇通志成內閣先承密旨擬陞總裁纂修等官之秩時閣老皆職保傳止進兼官獨擬商輅陞兵部尚書錢溥自贊善兼檢討擬陞諭德兼侍講廷臣自編修擬進中允稿定屬輅繕正輅退溥兼編修

若誤筆然陳循欲改如初擬輅言漙既越衆陞二級則兼
官豈宜復陞遂付王忱太監將進詣閣老下堦卻步循獨
追送出閣門耳語王忱曰諸總裁皆止進兼官輅豈可獨
陞亦須從衆例輅却不知至期手勅出輅仍舊兵侍兼學
士加兼太常卿乃愕然不滿○尚書胡濙因災異乞罷不
允時年八十二矣○秋欽賜大臣子陳英王倫爲舉人舊
制南北京開例令四方之士遊太學及伊親仕宦者皆得
應試至是順天府鄉試右春坊大學士劉儼侍講學士王
諫爲考試官時內閣陳循子英王文子倫入試俱不中選
循等論奏儼諫二人閱卷不公如監試御史林錫同邑休

挺亦在中列、且摘策題有無正統等語以激帝、請如洪武間罪劉三吾等例、重開科考試、有旨命翰林院復閱取中試卷、高穀懼儼等禍不測、欲爲申救、早朝奏事畢、出班跪稱、少保臣高穀有事聞上說、因召至榻前、具述其情、且曰、大臣子與寒士並進、已不可、况又不安於命、欲構考官可乎、由是儼等得釋、而英倫特旨欽賜舉人許赴會試、一時異之、禮科給事中張寧劾奏、循等私其子而爲暴才稱屈、失大臣體、難居內閣、乞賜罷黜、不報、

按是年鄉試有二異、有欽賜舉人、有再舉鄉試焉、景泰癸酉吉安羅崇岳、冒試中順天府第一、爲京士許奏、詔充原籍學生、是科復領江西第三十九名、解玩倫、後以字行、爲王宗彙舉生累、誦成達、成化初、遇宥歸、竟取進

士官至尚書
跡跡尤異

又按周學士叙疏謂永樂洪熙宣德三朝臨御大珥既
選各衙門官卽於門上說事輪流向前南確政務差高
少保此舉正
是舊制也

九月湖廣苗叛兵部尚書石璞計之○陞徐有貞右副都
御史以治河功完也

十二月巡撫江西僉都御史韓雍劾寧王不法并論府寮
上遣大臣即訊削奪王護衛罪諸官寮○是年福建僉事
致仕陳祚卒

丁丑 景泰八年

正月 帝不豫○丙子百官請立東宮不許

英宗睿皇帝

丁丑

天順元年

正月、午、上皇復位、改景泰八年爲天順元年、大赦、詔曰、朕昔恭膺天命、嗣承大統、十有五年、民物康阜、不虞北虜之變、惟以宗社生民之故、親率六師禦之、而以庶弟郕王監國、不意兵律失御、乘輿被遮、文武羣臣、旣立皇太子而奉之、豈期監國之人、遽擁當宁之位、旣而皇天悔過、虜酋格心、奉朕南還、旣無復辟之誠、反爲幽閉之計、旋易皇儲而立己子、惟天不佑、未久而亡、杜絕諫諍、愈益迷執、矧失德之良多、致沉疾之難療、朝政不臨、人心共憤、乃今月

十七日朕爲公侯駙馬伯及文武羣臣六軍萬姓之所擁戴遂請命于聖母皇太后天地社稷宗廟以今月十七日復即皇帝位躬理機務保固國家其改景泰八年爲天順元年大赦天下咸與維新

時景帝不豫數日不朝儲嗣未定內外憂懼在廷各懷擇君之志內閣王文與王誠謀欲取襄王之子立爲皇帝其事漸洩既而上皇子劉宜復之監興安誠羣臣請復上舊中宮金冊上皇子劉宜復之惟王文之意不與皆謂宜亦知之吏部侍郎李賢因會議問學士蕭欽曰適足爲不可再之計耳衆曰今只請立東宮安知朝廷之意在誰哉蕭曰宜方具謀矣十一月早文與衆臣集于左門中宮命各書一冊進之良以安人心左都御史蕭欽值亦進一冊我輩一輩所與建子爲擇字衆從之於是自是月十七日相繼議皆謂宜繼擇之一冊上之遂立之于是京師號傳王文于景道人所

奏侯景帝十七日出視朝合辭懇請復舊太子正位
東宮議已定而石亭知帝病甚必不起乃與韋氏部
官張軌張觀左都御史袁鴻臚卿楊善副都御史徐有
貞謀迎上皇復位遂陰結中官曹吉祥蔣冕白于
皇太后及通報于南宮許焉十六日既暮軌觀等會于
有貞宅時還報北虜欲寇京師有貞以爲宜乘此以備
非常爲名納兵入內誰不可者軌首肯之有貞升屋覽
步乾象亟下曰時在今夕不可失矣將出有貞焚香祝
天與家人訣曰事成社稷之福不成滅族之禍結人不
歸見矣遂往會亭收諸門鎗開門納兵近十人時夜四
鼓天色晦冥亭輒等皆惑顧謂有貞曰事當濟否有貞
大言曰時至矣勿退遂薄前宮城毀垣壞門而入亭等
入見上皇出問曰爾等何爲亭等俯伏合聲請陛下
下登位遂共掖登輿有貞等前導忽天色照明星月交
輝上皇顧問卿等爲誰各對某官某遂升奉天殿登
御座初文武羣臣約以是日並入候景帝出視朝所
迷前議頃之南城呼噪震地羣臣失色須臾
史鐘鼓大鳴上皇復位矣羣臣入賀

逮少保于謙王文及都督范廣太監王誠舒良王勤張永

等下詔獄。○命徐有貞以本官兼翰林學士直文淵閣與
機務。明日陞有貞兵部尚書兼職如故。○逮內閣學士陳
循、蕭鏊、商輅、尚書俞士悅、江淵、侍郎項文曜、王偉、古鏞、丁
澄、沈徽等下獄。○出前禮部郎中章綸于獄擢爲禮部右
侍郎。○擢太常卿許彬爲禮部左侍郎、大理寺卿薛瑄爲
右侍郎兼翰林學士、入內閣與徐有貞辦事。

按石亨輩初爲逆復之謀欲選彬預之彬曰此義舉也
臣子當爲第彬老矣無能爲也乃若有貞等輩遂與有
貞謀以成功焉至是彬與有貞爲彬
干上增其爵衆望益附故能用之

論迎復功進封武清侯石亨爲忠國公食祿一千五百石
都督張輓爲太平侯食祿一千三百石張輓爲文安侯都

御史楊善爲興濟伯並食祿一千二百石並子孫世襲
輒英國公張輔弟也輒尋更名賜○論隨駕功擢鎮撫哈
銘試日戶袁彬並爲錦衣衛指揮僉事○二十二日斬于
謙王文范廣及太監王誠等于市陳循江淵俞士悅項文
曜免死發口外鉄嶺衛永遠充軍蕭鑑商輅王偉等原籍
爲民先是于謙等下獄徐有貞猶豫張輒揚言曰若不殺
謙等今日何名獄遂決

于肅愍行實曰其帝光復寶位實天與人歸之會石
亨輩貪天之功掩爲己有假奪門迎復之功以欺
廷誣迺立外藩之罪以報私怨其設心益謂此罪不重
則彼功不向不大殺股肱重臣則威不立不構成黨通
大獄則權不專乘機族言官勅謙與王文等俱下獄所
司勘得金牌符勘見存禁中則無顯跡石亨等揚言

無顯跡其意則有及廷鞠徐有貞令所司痛加拷掠王
次不勝憤反覆力辯遂使首不辨但言亨等意已如此
燒之何益注司承亨等風旨乃以意欲二字附會成獄
奏上上執諒良久曰王謙常有功家未及對有貞直
前曰若不置謙等于死今日之事為無名上意遂決
謙與文等俱斬于市籍沒其家家屬皆發遣衛充軍
史按都御史蕭維禎等所請欲嚴詞譴文華欲行主立
外藩依謀反者律凌遲處死陳商項文曜等為知于謙
等謀反故縱者律斬嗚呼亦酷矣天順日錄曰王六初
謀于謙等未必知石亨輩不過因謙為總督軍務一切
兵政事而行之享不得遂其所私乃乘此机而除之其
餘皆曰平日不足者而中傷之未必皆知王文之初謀
也况王文之謀其實未發所以誅戮者多非其罪乃曰
臣等捨命舉此大事以為有社稷之功上亦信之極
其報典之隆而亨等遂招慘
對聯標作威福恣意妄為矣
獲漢籍記曰正統己巳之變于謙以社稷為重力排羣
議運將練兵坐推張張亮輔中興喚功非細天下人皆
知之豈處殺身之禍哉奈何于公效用之日正小人側
目之秋故舉机一失于公於是乎難免矣程篁墩謂于

公之受誣為至于相臣之心和于言官之口哉于法吏之手斷固公論也夫

高岱曰英宗歸不復作竟無所賢景帝也景帝不起諸位無人焉有舍英宗而能求君者哉于謙迎

立外藩之說未必有之然復英宗非其情也後議惟憲宗繼統耳此亦不失為正然於英宗父子之間宜

思所以處之當時諸臣請景帝之立太子亦過矣景帝不起當請於英宗英宗臨御可也或倦勤而

命景帝即位已仍稱太上皇如唐故實亦可也于謙諸臣非知不及此蓋其初主社稷為重君為輕之說

知其心無非社稷計者蓋勢不謀不然英宗之得返也然

之謙之失在景帝易降而不以必爭之舉然其功矣蓋掩過已故

或謂謙非見不及此蓋特以祖宗之社稷為重若太子居攝則唯父為重天下為輕天理至情必圖迎復則處

事以皇上為尊豈布願足求漢宗之事乎鑒也故遂

立太子是不以金法而必為屈竟致社稷獲安上皇志亦以復臨若蓋實難曉於是也但易儲一節謙無

月言以教正之無亮
於貴備者之議矣。

以千戶盧旺彥敬爲錦衣衛指揮使。一日亨引三人侍于
文華殿前。上問曰：三人何人也？亨對曰：臣心腹人也。是年何人結
迎請。陛下復位皆與之謀。其功實多。乃特擢二人爲指
揮使。自是求請無虛日。月報功陞職者四千餘人。○令翰
林官有帶東宮官銜者俱改別職。以景泰易儲故也。○科
道劾司禮監太監興安弄權亂政。鎖門易儲。與王誠舒良
等爲黨。明知逆謀不能諫阻。心持兩端。坐觀成敗。以爲向
背。聚其首以戒權奸。上謂安罪本當死。姑從寬貸之。
視事。○奪郭登定襄伯以爲南京督僉。○太子太傅

高毅吏部尚書王直禮部尚書胡濙並致仕時內閣諸臣
皆流放寬猛惟毅以忠謹故上嘗曰毅在內閣每嚴迎
駕及南內事輒左右朕毅無他腸可致仕

按毅既歸田杜門不接賓客人有問及正統景泰天順
間事者輒不應官至台鼎而家業蕭然敝屋耕田僅足
衣食其方毅端靖廉潔無私卓然有古大臣風也○直
器宇宏偉性嚴重寡言笑居家儼然及接人和氣可掬
既秉銓軸留意人才于請斷絕奔競稍息居第臨臥曾
不爲介意也廕子積爲翰林院檢討○漢平易寬和廉
靖寡欲自奉簡薄與居有常未嘗疾言遽色人皆知
爲君子長者既去遣子長寧入謝校錦衣世鎮撫

二月朔皇太后詣諭康景帝仍爲郡王歸西內越數

日帝邸王所立皇太后吳氏復爲宜廟賢妃廢皇后任

氏始爲郡王妃欽天監奏車馬歲暮年號上曰朕爲

原。其。婦。居。處。奉。供。賜。紅。帛。自。盡。以。殉。葬。○。贈。故。御。史。陳。瑄。大理寺丞官子啓知縣。瑄上疏請同遺骸。得出國土。歸葬。時同歿已久矣。血漬骨間。洗出。倍鮮好。後。謚。恭。愍。○。少。監。阮。浪。贈。太。監。仍。命。儒。臣。撰。文。立。碑。○。召。前。南。京。大。理。寺。卿。請。陝。西。定。羌。驛。丞。廖。莊。還。復。前。職。尋。陞。南。京。禮。部。侍。郎。○。召。巡。撫。陝。西。副。都。御。史。耿。九。疇。爲。右。都。御。史。掌。院。事。召。南。京。督。儲。副。都。御。史。軒。輅。爲。刑。部。尚。書。九。疇。輅。二。人。皆。廉。介。苦。節。之。士。操。履。素。定。天。下。信。之。故。復。位。之。初。首。召。用。焉。

輅。初。爲。進。士。差。往。淮。上。催。糧。冬。寒。舟。行。忽。墮。水。救。出。衣。盡。僅。得。一。綿。被。自。裹。有。司。急。爲。製。衣。一。襲。却。之。不。用。餘。

待舊衣之乾。權監察御史。獨振水藥之聲。得為浙江按察使。俸資之外。一毫不取。四時着一青布袍。破則補之。蔬食不厭。與同寮約三日以米易肉一斤。多不能堪。忽聞親喪。次日遂行。寮屬有未及知者。九時初為雨。淮鹽運使廉名大若。嘗坐水衡。一童子曰。水之清不如使君之清。九時河南盧氏人。軒觀河南鹿邑人。

詔舉廉民凡八十以上者。賜冠服。京師民茹文中。百有四歲。上召見。悅其狀貌與致辭。賜冠服。帶履。命順天府。

宴。又命吏部尚書姚夔以下造其第致賀。

崔銑曰。三代之禮。養老。莫善於宴。養義。莫善于享。夫老者。養體也。民見之而加愛。養義者。養賢也。民見之而加敬。

加敬。

會試。以薛瑄。呂原。為考試官。取夏績等三百人。

五月。遷。以薛瑄。呂原。為考試官。取夏績等三百人。

積武功優榮華蓋殿大學士掌文淵閣事

詞林紀事曰掌文淵閣事有貞所自著也則在清初大政非人臣所可掌則非軍功員進封爵議者知其不稱矣

械前給事中請戍鐵嶺衛徐正至京磔誅之

正在景泰中嘗行離間故械至京

驚破其膽出賣溺皆青遂剛于市

前吏部尚書致仕何文淵卒

又淵預草景泰易儲之詔時以於炫于人及上復位

一旦訛傳陳都御史將至邑文淵遂自縊死時同僚傳

郎楊情誦官家居與文淵子王事奇新情悲奏文淵之

死實諸子通以脫禍裔新亦奏情寔撫賈東時嘗存黃

茲及代茲草易儲之疏俱命官校逮至京鞠之逆涉已往俱獲釋

巡撫大同副都御史年富致仕時富為石亨姪參將石彪

天下之爲
魁者豈少
哉

爲不中
所

李賢盡言
敢諫大似
楊東直

八忠大傳

奏陷自大同遠繫至京、上問李賢曰、此人何如、賢對曰、
行事公道、在彼能革宿弊、上曰、此必石彪被富阻其所
行、不得遂其私耳、賢對曰、陛下明見、真得其情、遣官體
勘、果無實狀、富遂致仕而歸、○謫漕運右副都御史王圻
爲浙江參政、尋除名爲民、安置江夏、○吏部尚書王翱以
年老乞致仕、李賢言于上曰、王翱廉謹老成、雖老精力
未衰、吏部非此人不可、乃留之、翱自此任用益篤、眷遇加
隆、官其子圻爲錦衣衛副千戶、○命景泰汪妃出居、○
王翱先是邸主薨、上欲令汪妃殉葬、李賢奏曰、汪妃雖立
後、卽遭幽廢、幸與兩女度日、若令隨去、情所不能、

女無依尤可憐憫。上惻然曰：卿言是。朕以弟婦年少，不宜存內，初不計其母子之命，乃止。

按：妃甚賢，景泰欲易儲時，妃託以病，萬不可遣。廢立，憲廟在東宮，意極感之。所以禮之甚恭。妃與皇太后及錢皇后尤相得，既而皇上以妃居宮中不便，乃遷之外王府。東宮令護持，令登一宮所有，悉取自隨。妃至正德初，方卒。

山東民飢，發太倉銀三萬兩賑之。有司奏請增減。上召徐有貞、李賢問曰：「可從否？」賢對曰：「可有貞怫然曰：『不可。發銀賑民，里胥滋弊，民無實惠。』」賢曰：「雖有此弊，民方待哺，不可不救也。」遂增銀四萬兩。有貞退而不樂。後上亦覺之，嘗謂賢曰：「增銀賑民，有貞不然。卿言其謬如此。」

錄其所重
乃得大休

以知之
皮何恨

人舉並行
州人才始
而道深

四月己巳復立。元子為皇太子。○調禮部章綸于南京。
○詔處士中學貫天人才堪經濟隱居高尚不求聞達者
所司具實奏聞。

霍輅曰：國初用人，薦舉為重，貢舉次之。科舉為輕。今則科舉為重，貢舉次之，薦舉不行矣。故有行同盜賊心劣商賈者。能染翰為文，俱隸仕籍。此士風之所以益偷也。

襄王瞻墻來朝。先是土木之變，王兩上疏慰安。皇太后乞命。皇太子居攝天位，急發府庫募勇敢之士。務國迎復，仍乞訓諭。郕王盡心輔政，章上時景泰立已八日矣。至是得蹕于宮中。上覽之，感歎，手勅取王入朝，禮待甚隆。上問王所遇官吏賢否。時按察使王榮以詆誣下獄，王避。

軍中
俱抄

席對曰臣過汴汴父老遽道為臣言王廉使冤乞奏上
還我王廉使如是者不絕願幸裁答上立命雪舉比辭
歸上送之門王伏地不起上曰叔父欲何言王頓首
曰萬方望治如飢渴願皇上省刑薄斂為萬姓自愛
上拱手謝曰敬受教

按謂王自各府發後鮮朝久矣自
遷都北京東朝粵絕至是復行之
黃翰曰天順初王文于謙以謀逆立棄世子被誅及襄
王朱子文上禮待其藩其後世子竟嗣王位始終親睦
無間然則逆立之謀
其實未發益可知矣

追復王振官立祠祀之

上本之廷言官司其謹謹誤國有謂令陷旁中反為虜
用者按成化宣德三誅夷第宅沒入官改為京衛武學至

是振黨以聞、上大怒、曰、振為害所甚、朕親見之、詔責言者過實、皆返罪、詔復張原官、刻木為張形、指視以禁、望像於智化寺、初賜額曰、維新、嗣之、

五月逮十三道御史張鵬、楊瑄等下獄、後逮都御史耿九疇、羅綺、內閣徐有貞、李賢、皆下獄、降謫有差、

按是時亨曹吉祥等恃功恣橫、御史楊瑄自河間、叩馬還京、師劾奏亨曹吉祥家人占奪民田、乞加禁約、上謂有貞及賢曰、御史敢言如此、實為難得、命戶部覈實、於是十三道御史張鵬等合章糾亨不法、兵部覈事中王益知之、潛以告亨、亨疑有貞與賢主使、遂與吉祥泣於上前、訴其迎駕奪門之功、有貞等欲加排陷、且言鵬乃已誅奸臣內官張永從子、故結黨誣臣、上怒、命收鵬及瑄、及十三道御史、悉下錦衣衛獄、充主使之者、衛官奏右都御史耿九疇副都御史羅綺、誣使為此、所執鵬之奏、陷有貞賢于獄、會是日、曉雷電大作、雨雹如注、大臣按本吉祥之門老樹皆折、京宅水深數尺、京師震恐、其日即赦出有貞系降有貞賢皆參政、九疇布政使

銜亦參政御史查爾等調知縣瑄鵬俱
滿成達東鐵嶺察言路從此不通矣

內閣學士薛瑄致仕瑄見曹石恣橫日甚遂引疾致政而
歸

項徽錄云薛文清學行老成而因奏對誤稱
學士遂以失寵末退可謂明哲保身者歟

六月命翰林修撰岳正入內閣典樞務

按王剛正慷慨以世務自許上廉知其名王翱亦薦
之召見文華殿上問年幾何正對曰四十上曰正
好問何處人曰順天府涿縣上曰北方人問治何經
曰春秋上喜曰又是我所取者乃錄正曰今用汝入內
閣參預機務凡事為朕主張諸彬老矣不足恃也正頓
首辭至再乃出赴閣至左順門石亨張帆自外入遇之
愕然曰何以至此正不敢對亨執已不平此入見上
曰今內閣無一人能得一好人亨是請為上曰岳正
亨執曰爾欲用此言上曰但小官耳今委與吏部左侍

大臣而耳
為小人無
賴之計

郎兼翰林院學士、亨、軫曰：奏曰：陛下欲陞正亦甚易，但姑試之。未幾，科試未晚也。上默然。蓋亨軾以事非已出，從使之耳。

七月六日，承天門災，詔赦天下。○復下有貞獄，發雲南金齒為民。

有貞既降，廣東參政石亨輩慮其復起，必欲殺之。令人偽作疏奏毀謗朝廷，假養病給事中李秉彜名，以貌類旨持上之。命逮秉彜，榜訊至，氣不承，緝捕匿名者甚急。亨等固譖有貞怨望，使所親馬士權為此而滅其迹。上信之，遂遣官校捕有貞于途。收士權等俱下錦衣衛獄。時掌衛都指揮門達、陳諸惡剋于庭，拷掠頗死者數。四士權終無所言，乃摘武功伯誥券，綴禹神功之語，出有貞自撰實謀作逆，故出語不臣。士權始大呼曰：有貞忠臣也。豈有自撰誥券露其逆謀之理？門達不能折，會承天門災，肆赦，刑部侍郎劉廣衡等猶劾奏之。上以有貞犯在赦前，得釋，編發金齒為民。後數年，曹石敗，乃赦歸。士權素州人，博極羣書，善談論，有氣節。寓京師，數

授多與學士先生遊與有貞尤厚故亭輩稱之使士稍休戚則有貞不免矣有貞出獄思其義以女許婚焉子既而有貞自金尚歸買盟士權亦無言時論皆重士推而薄有貞焉

廖道南曰予觀吳志謂徐有貞短小精悍其學自天文地理兵法河渠陰陽方術無不通貫然而心術險奇意嗜功利首倡南遷難謀奪門比昵奸回屠戮忠賢金貨之行亦天道也夫

時緝捕匪名毀謗朝廷者未獲石亨勸上出榜募能告

捕者賞以三品職上令內閣撰榜格呂原岳正見上

曰爲政自有體式盜賊責兵部奸究責法司豈有天子

自出榜構募之理且堯建進善之旌舜立誹謗之木秦始

皇護短拒諫乃下誹謗妖言之令由此過失不聞卒至亡

國陛下新復寶祚正當以堯舜爲法以秦爲戒縱欲窮

今草輝
色而又
清幽
前後念

治其事。緩則人情怠忽。事自覺露。急則人情危懼。愈求賴。晦不如勿究。時曹吉祥在側。請究甚力。上徐謂曰。正等言是也。○刑部尚書軒輅致仕。輅以曹石恣橫侵官。稱疾懇乞致仕。上勞之曰。昔浙江廉使考滿歸家。僅二竹籠。是汝耶。輅頓首。又問年未老。再可用乎。輅頓首以疾告。上知不可強。賜白金彩幣遣之。○謫修撰岳正欽州。則知時正數爲上言曹石勢大盛。恐有變。宜早爲節制。上曰。汝可以朕意告之。正遂詣亨。諷令稍自斂戢。二人怨之益深。會承天門災。上命正草詔罪已。歷陳弊政。謂奸邪蒙蔽。詞極切直。亨等大怒。遂有蜚語。指爲誹訕。內批。降

不為校
得之者
子

○復請前御史張鳳楊瑄戍廣西南丹衛先是鳳瑄請
成遠東鉄嶺衛未至道遇赦還或謂宜請曹石謝庭兗後
顧鵬瑄不從復請成南丹○復李賢吏部尚書兼翰林學
士入內閣辦事初石亨怙寵專恣官軍守諸關者悉放歸
以示恩徐有貞許彬李賢薛瑄在內閣以為言上重違
亨意別選人以代之由是亨惡有貞等皆被譏斥薦其私
人叅議盧彬太常寺少卿王謙入閣上不聽乃與王翱
謀仍復賢內閣

初

八月謫督府僉事郭登居甘州初上陷虜時也先嘗擁
駕臨邊恨發引中國有君之誣以沮旋復之謀也○逮岳

英宗所以傳聖主在於是

正繫詔獄、請戍肅州、正既降、同知欽州、道郭縣、以母老、留
閔、月、兵部尚書陳汝言、以曹石意、嗾邏者、以私事中之、逮
繫錦衣衛獄、拷掠備至、以戍肅州、鎮夷千戶所、正既謫、
上每語及輒曰、岳正到、只是大膽、後曹石敗、上思正
言、乃放還爲民、

九月、勅左順門關者、今後非有宣召、總兵等官、不許擅進、
時石亨張軌輩、每朝頻入見、或因小事順情、或無事亦入、
人見出、則張大其言、使人畏其勢、而趨附之、上厭之、召
李賢謂曰、先生有文書、整理每日常來、若其餘總兵等官、
無事亦頻來、甚不宜、蓋賢自再入閣、立意退避、必請宣召、
未有不依、從取、

著

誰不拘清
格故才得
因其位以
自見

薦優往。上覺其意，換召諭之。上自此親儀賈。凡在
薦人必召賢問其可否，以為用舍。擢監察御史林男為
鎮江府知府，河東運司判官楊浩為順德府知府。時上
勵精求治，命吏部選內外臣寮為郡守。陛辭日，召至文華
殿，親賜戒諭宴勞，及給鈔為道里費。

時浙江太平人兩守大郡，惟政舉仕至刑部侍郎，為一
討也。先往主之罪者也。後累遷右副都御史，更撫延綏。

十月，遣行人曹隆賁勅書禮幣聘江西處士吳與弼。

是時不事用事，頗欲選名儒通其門客，謝昭者，故張賢
教蔡京招楊龜山，龜山亦辭以有上。帝從之。因在內閣議
事，見李賢說山林進士有撫州吳與弼者，乃司業吳濤
之子，累荐不起。賈誼詩書，動遵古禮，平觀然曰：吾存

之乃托賢代爲草奏。卽日上之。數日。上召賢問之曰。吳興湯如何。賢曰。與湯論者之高。猶自古聖帝明王。莫不好賢下士。徵聘隱逸者。陛下行此一事。實本朝盛舉。上從之。

時虜酋李來近邊求食。傳聞寶璽在其處。石亨欲領兵巡邊乘機取之。上召李賢問曰。何如。賢對曰。景泰以來。年年水旱災傷。府庫空虛。軍民疲困已極。陛下初復位。正宜與之休息。况胡虜雖近邊。不曾侵犯。今無故舉兵伐之。恐不可。若寶璽泰始皇所造。李斯所集。亡國之物。不足爲寶。上然之。乃罷巡邊。

十一月。兵部尚書陳汝言有罪。下獄死。籍其家。先是。汝言被籍。自朝廷所賜外。無他物。至是。所司陳所籍。汝言妻所

于大內廡下。上召大臣入視。且曰。景泰間。任于謙久。且專。沒無餘物。汝言未幾。何得賂之無算也。時上怒甚。色變。石亨等皆俛首自是。上漸悟謙冤。而惡亨等矣。初于謙等之歿。皇太后不及知。後始知之。乃爲上備言于謙匡濟多難之功。迎立外藩之誣。上始疑之事。定日久。祭迎立事。愈無狀。每詰石亨。張軏。曹吉祥等。對曰。臣亦不知。乃徐有貞向臣言耳。於是上深樹亨輩。有貞所以有金齒之行。而亨輩卒俱不免。○太平侯張賜卒。

賜先召軏。景泰初。自貴州征苗。召還于謙。約其失。脫其罪。不可用。景帝安之。自是賜與亨輩恨謙最深。既奪門復辟。首謀殺謙。以謙信任范廣。誣其同逆。併殺之。廣既死。賜一日遇諸途。爲拱揖狀。左右問之。曰。范廣過耳。

歷家發

舊家

戊寅 天順二年

正月郊天後。上顧謂李賢曰。朕居南宮七年。危疑之際。實賴太后保護。罔極之恩。欲報無由。可做前代尊上徽號。如何。賢曰。陛下舉此。可謂孝矣。於是命擬徽號。賢定四字曰。聖烈慈壽。詔示天下。復加贈太后兄第五子長孫繼宗。歷會昌侯。次皆都督。子孫數十人。皆爵祿之。又有爲其宗親求恩澤者。上謂賢曰。外戚孫氏一門亦足矣。太后之心。正不以此爲慰。比者授其子弟官。時請於太。氣數次方允。且不樂者累日。曰有何功於國家。繼受祿秩。

如此。雖必衰。且。靜。而。國。憲。吾。不。能。挽。全。賴。陳。康。澤。必。大。怒。矣。賢。曰。此。太。后。盛。德。因。問。祖。宗。以。來。外。戚。不。預。政。繼。宗。爲。侯。太。后。知。乎。上。曰。太。后。正。不。樂。此。初。爲。內。庭。近。侍。惑。以。關。防。之。說。至。今。獨。悔。曰。侯。爲。人。淳。謹。不。妨。但。後。不。可。爲。例。耳。上。曰。然。○禮。部。請。皇。太。子。出。閣。讀。書。上。召。李。賢。等。謂。曰。東。宮。讀。書。當。在。文。華。殿。朕。欲。避。此。往。居。武。英。殿。但。早。晚。朝。太。后。不。便。姑。以。左。廊。居。皇。子。卿。可。擬。講。讀。等。官。且。曰。先。讀。何。書。賢。曰。四。書。經。史。次。第。講。讀。宜。先。大。學。尚。書。上。曰。書。經。有。難。讀。者。賢。曰。如。二。典。三。謨。太。甲。伊。訓。說。命。諸。篇。明。白。易。曉。可。先。講。讀。○嚴。僧。徒。濫。度。

之禁。景泰間京師風俗崇信釋教。每三年度僧數萬。至是
又如期。上謂李賢曰。僧徒豈可如此汎濫。賢曰。陛下
明見最是。正宜禁止之。遂出榜曉諭。○勅內閣及翰林儒
臣修大明一統志。先是永樂中令夏原吉楊榮等纂修天
下郡縣志書未成。景泰中重修寰宇通志。僅成未及刻。而
上復位。遂命李賢等再修刊布。賢嘗謂翰林實儒紳所居。
非雜流可與。景泰間陳循輩各舉所私。非進士出身者十
將四五。率皆委靡昏鈍浮薄之流。一時無由而進。至是
上欲脩通志。重修頒行。惟擇進士出身者。此輩自知不
居此。托闕院達其意。願補餘缺。賢乃言於上。命其補餘缺。

國楚才而高下其秩翰林爲之一清

按永樂宣德前翰林不拘進士出身而不聞委庸庸之請方孝孺楊士奇胡儼輩非進士而文名擅一時李文達乃有此論豈非世變然耶自是職後愈重進士之科翰林之選非進士起家不得居翰林爲翰林出身不得入內閣居宿

賓與祖宗時大異矣

遣建庶人出居鳳陽庶人建文君次子也先是主北狩

嘗憫建文君之沒無所加本○或○作○禮屢召變故以語袁彬既復位

因思建庶人輩幽禁大內將五六十年意欲寬之謂李賢

曰親親之義實所不忍賢對曰陛下此一念天地鬼神

實臨之太祖在天之靈實臨之堯舜存心不過如此左

右或以爲不可上曰有天命者任自爲之遂遣居鳳陽

令有司供給柴米器用。聽其婚嫁。出入自在。庶人入禁時方二歲。至是年五十六矣。出見牛羊亦不識。未幾庶人卒。懿文太子及建文君皆無後。

二月禮部郎中李和囑權近求爲侍郎。士論不平。上問賢曰。此人何如。賢對曰。不知。上悟其意。復問吏部尚書王翔亦不甚許。它日以學士李紹對。上復問賢。賢對曰。此公論也。上遂除紹爲禮部右侍郎。輿論大低。

四月復設各邊巡撫官。初石亨等以文臣提督軍務守邊。使武臣不得逞。因請罷之。居亡何邊境騷然。上召李賢。謂曰。如今革去各邊文臣巡撫。十分狼狽。軍官貪暴縱橫。

出幸罷殿。且曰：朕初復位，奉迎之人紛紛以此爲不便，只
得復從今。乃知其謬也。卿與朕舉進才能者用之。賢者
曰：遼東、宣府、大同、延綏、寧夏、甘肅，此六處要人最急。上
曰：卿與王翱、馬昂商議推選。務在得人。于是定議以太僕
卿程信在遼東，山東布政王宇在宣府，僉都御史李秉在
大同，監察御史徐瑄在延綏，山西布政使陳翌在寧夏，陝
西布政芮劄在甘肅，俱以京官巡撫其地。○召守制山西
右布政葉盛至京，擢右僉都御史巡撫兩廣。盛乞終制，不
允。時廣西流賊多入廣東爲害，而兩鎮守將顏頤自異，是
以討賊無成功。盛至，請革兩廣正將，立總鎮于梧州。居中

調度則賊可平矣。衆是其策而不果行。盛不得已乃請益兵。上命都督顏彪率兵赴之。盛與彪協謀破賊。若入有所擒斬數萬人而還。

何喬新撰朱英神道碑云。葉與中巡撫兩廣。合兵剿賊。屠廣東。衆議朱公英督察奸弊。參將范信以兵會剿大。藤峽。徇利擄掠。馳至橫康間。誣宋泰永平等。鄉居民皆賊黨。屠戮殆盡。又欲并進城等鄉。屠之以爲功。參議公力爭其非辜。且遣間使請葉公亟班師。諸鄉民始免屠戮之慘。食功妄殺。行兵大戒。當時所謂破若八百擒斬數萬。平民屠戮如宋泰永平等者。不知其幾矣。葉文莊當時頗被殺降之譴。殆亦有由。嗚呼。火索昆陽。玉石俱焚。天吏逸能。猛于烈火。今古師旅。莫不皆然。是故聖人慎之。走於聖人。不得已而用之。

會昌侯孫繼宗第繼宗家。公私起店房。專利以病客。繼宗聞之。上命毀之。家人無從。繼宗姑免其罪。而繼宗亦封侯。

五拜江西處士吳與弼徵至京。上謂李賢曰：「與弼何職？」賢對曰：「今東宮講學，正宜老成備者輔導之，宜授官。」寮次日召吏部命爲左諭德。朝士皆驚異。與弼具疏固辭。上召入文華殿，從容顧問曰：「久聞高誼，特來聘爾。如何？」就與弼對以老疾衰朽，實不堪供職。上曰：「宮寮亦從容優閒，不必辭。」於是賜以文綺羊酒柴米，太監牛玉送至館。上謂賢曰：「此老非迂濶者，務令就職。」與弼終不就。具疏三辭。賢叩其所以，與弼謂勅書太重，以伊傳之禮聘之，却以此職授之，故不受。賢謂如此亦固執矣。且朝廷致敬盡禮，待先生非輕，初無不承權輿之意。今必欲如傳說爰立作

是知已

相亦難。既稱衰病，務當大任，倘勢不能行，人皆失望。不若且就宮僚，若果有建明，則大任以漸而至，不然所辭不允，亦當就職以荅。朝廷至意，與弼亦不從。三辭後，稱病留邸兩月，諸賢乞回，賢為言于上。上曰：果如此，亦難留也。復召入文華殿，賜勅褒嘉，賞以銀幣，叮嚀毋忘著述，以繼前賢。命有司月給米二石，以資供膳，仍命行人王惟善送歸。於是與弼感激無以報稱，條陳十事上之。復上表謝恩而去。

諫心

是日，按微書玄經，聘起崇穴。我朝自太祖後，雖此一見，誠帝王盛節矣。然考典新之在當時，殆由未竟於盛名之下，其實難副也。李文達即與弼所以不報之請勅書太直，以得傳之禮聘之，却以此職授之，故不

然則當時使即如傳說之爻立作相則與
之不辭耶。通云所謂不受小官而規朝之
之矣。至他日駁石亨族語則自稱爲門下
官。謙德爲小而不肯爲。頗感推好之一
下士亦倖矣。乃若論與劉學將則觀其文
夫雖陳十事皆枯淡寂寞。草率粗累。無
共親。至於日錄所記每多說夢。而錄首
孔子與朱子中間復言夢孔子來訪。朱
三嗚呼。大儒如周程張朱進學銳矣。何
賢附聖耶。康齊世所同賢。然衆好必察。
之義貴備賢者。豈敢隨聲附和。無所
皂白。道隨衆觀場之謂於有議耶。

漳州布衣陳真晟詣闕上程朱正學纂要。不報。真晟字利
夫。初治舉子業。赴省試。聞有司防察過嚴。無待士禮。乃辭
歸。自是不復以科舉爲事。務爲聖賢踐履之學。有功於主
敬。嘗曰。大學誠意爲鉄門關。主一二字乃其玉鑰匙也。至

是期伊川故事請開上書不報乃歸聞聘吳君與弼欲往見質之行至江西張元積編修止布衣宿叩其所學大加稱許謂程朱自有真傳許魯齋吳艸廬亦未是如聘君者不可見亦不必見也遂歸尋卒

張廷祥謂不可見不必見其不足於吳康齋多矣羅一峰平生未嘗一語引康齋其復張都憲書惟推章德懋陳利夫蓋與廷祥不必見之意同康齋嘗以第舉其目號冠四首疏訟於府庭廷祥作書切責之未云當土告素王正名討罪豈容先生久竊虛名時知撫州

州香隅張公墳也廣州志張氏傳亦載此事尹寒齋瑣綴錄謂康齋辭職歸矜肆無復故態羅倫休官往見之辭拒至再意待倫三往而後見之倫怒撰一詩詆之而去羅整菴欽順亦言其學未有所得而謂現觀所紀爲非証鼓公昔江西人其鄉許公論可觀矣鳴鶴世俗多徇名而愚此紀跡爾名而責實知我罪我若若向審之哉愚書四揚方震所錄理學名臣簡并歸志

朝理學之士薛文清瑄陳克菴選為最精敬齋居仁
一峰翁章惇山慈亞之一峰風山論於退隱為高矣
白沙獻章只味禪會莊定山果只是一個詩人與朱軒
仲昭言行皆卡見灼灼定山晚年出處一篇雖白沙亦
譏之陳利夫只是猶介之士其學識胡敬齋猶未及
吉士智忠鯁名臣不必屬于道學餘非未學所敢議矣
楊方震錄所遺前有曹川川端後有何概
丘喬新邵二泉寶羅整菴欽順皆前續人

時上留心政務凡天下章奏一一親決有難決者必召

李賢商議可否且厭曹吉祥石亨等干預察之罔非私意
嘗於便殿屏人語賢曰為之奈何賢對曰惟在獨斷可以
絕之上曰非不自斷如某事某事皆不從其說但依之
則悅不從便佛然見於辭色賢曰於理果不可行者且從
容論之大抵人君之權不可下移果能自攬彼之勢自消

雲南總鎮沐璘沐璘同沐瓚代之○李來寇延綬守將都督僉事張欽連戰之進都督同知命佩征虜副將軍印總延綬慶陽諸路兵時欽副彰武伯楊信守延綬李來入寇神木縣欽出兵禦之于柴溝斬獲甚衆既而虜復入安邊營欽分道拒之連戰于野馬澗等處俘其將鬼里赤德馬駝兵仗倍于柴溝上褒嘉之遂有是命先是也先以殘虐爲其部下哈喇所殺哈喇復爲李來所殺諸酋迭爲雄張自相讐敵之忽等相繼入寇

知是於是李來毛里孩阿羅出索

軍并京西侵宣大并邊無寧歲

皇明從信錄卷二

明從信錄卷之二十一

東莞陳

建輯

秀水沈國元訂

巳卯

天順三年

二月遣使使朝鮮及建州女直先是朝廷謀聞建州酋董山潛結朝鮮命巡撫遼東都御史程信議祭之信使自在州知州倭成托他事廉其境上得朝鮮授董山爲正憲大夫中樞密使制書還報信具以上聞請乘其未發遣二急使往問之可伐其謀上乃命一給事中往朝鮮一錦衣譯者往建州兩酋初不肯承出制書示之皆驚服各上表貢馬謝罪○定遠侯石彪有罪下獄死

處以不亭故累進封侯性凶暴貪狡包藏禍心謀鎮大
同遊人素保朝廷覺其有異遣人廉察得其實遂逮
論罪

禁朝臣交通初石彪事發言官密奏明日大班劾之即有
漏洩於彪者上召李賢曰羣臣黨惡如此不可不戒乃
勅諭百官今後文武大臣無故不許往來近侍官不許造
大臣私宅錦衣衛官亦然于是交通之弊始息

五月致仕南京國子監祭酒陳敬宗卒年八十三

敬宗慈惠人容儀端正步履有則德望文章名聞朝野
官太學二十年終嚴好禮物東甯生時北監祭酒李時
勉亦以師道自立
時稱南陳北李云

八月命三法司霜降後會官錄囚

十月忠國公石亨謀不軌下獄死

按亨貪恣日甚。時昭公行。彗預備政。易置文武大臣。遂將以張其威。子姪。張勢。煇燿。天下寒心。而亨恬不知戒。上千星象。望山星變。日暈數重。數目不息。蓋羣陰爾。蔽太陽之象也。時亨門下有韓目。指揮童先。手出妖書曰。惟有石人不動。則天意有在。勸亨舉事。亨信之。乃與其黨盧旺。彥教。杜清謀曰。大同人馬甲天下。我撫之。素厚。今石虎在彼。充遊擊將軍。異日命虎代李文桂鎮朔。將軍印。北塞。紫荊關。東出山東。據臨清。以絕餉道。則京城可不戰而疲。遂議以盧旺守裏河一帶。是年春虜寇延綏。命亨帥師禦之。童先力勸亨成前謀。亨曰。為此事不難。天下各處都司。除代未過。待遇。否之。未晚也。童先曰。時者難得。而易失也。恐時一失。不可復得。亨不聽。童先私罵曰。這賊不足幹大事。亨師無功而還。已而石虎事發。罪連於亨。上曰。初念其功。累宥之。惟罷其兵。權命以本爵歸第。未幾。宋人傳說。慈謗。遂奪其不軌之謀。於是下亨獄。卒於獄中。其黨皆坐死。李賢曰。石亨罪惡貫盈。當時若以石虎鎮大同。誠為可懼。蓋在京武官。多在亨門下。而亨又握兵權。天下精兵

不可以
漸

事後之
然足使
下後世
通下時
之所必
無所功
隨矣

無如大同稍有變動外相應其禍可勝言哉今觀之
於早除此大害非其廟之明明果斷不能如此又曰
天順初以迎駕為功者大開賄賂之門文武奔走恐後
以財賄之多寡為賢否風俗大壞上亦姑知其美但
復位之初備而從之明年遂自振作十從其四五又數
月十從其二三又明年凡不自斷向日奔競之風一變
而為恬退之習可見士
風之振在上人何如耳

上一日從容與李賢言及迎駕奪門之功賢對曰迎駕則
可奪門二字豈可示後况景泰不諱陛下宜復位天命
人心無有不順文武羣臣誰不願請何必奪門且內府之
門豈可奪奪之一字尤為非順幸賴陛下洪福得成其
事假使景泰左右先知此事亨輩何足惜不審置陛下
于何地 上曰然彼時何以自解方悟此輩非為社稷計

不過貪圖富貴而已。賢對曰：臣彼時極知此舉之非，亦有
邀臣與其謀者。臣不從，以臣之愚見。若景泰果不起，率文
武羣臣請陛下復位，安用如此勞攘？雖欲陞賞以誼爲
功，老成耆舊依然在職，豈有殺戮降黜之事？致干天象，而
羣小之計無所施矣。招權納賂，何由而得？忠良之士亦無
擠排之患。國家太平氣象，豈不由此而盛？易曰：開闢承家
小人勿用，言其必亂邦也。於此驗之尤信。上曰：然。

庚辰

天順四年

正月，朝覲官吏至京，勅吏部、都察院選其不職者數百人，
旌其才行超越、政績顯著者，布政使賈銓等十餘人，賜以

果其才實
舉亦何論

鈔襲仍賜宴于禮部。於中召布政使蕭瑄爲禮部尚書。部初奏擬賈銓爲戶部尚書。上問李賢何如。賢以銓不稱名對。乃以銓爲右副都御史。○召巡撫山東副都御史年富爲戶部尚書。時戶部尚書缺。上命李賢擇人。賢以富執法不撓。可居此職。左右不悅。富者其衆譏賢曰。上不喜此人。不宜再舉。一日。上召賢曰。戶部之缺。果誰當之。恐非年富。不可。賢曰。此人不悅者衆。愈見其賢。上曰。富之執法。正宜居此。國計所關。豈顧私情。不悅者遂召用之。○致仕工部尚書東閣大學士高穀卒。

成化初。姚夔爲穀請繼。上言。高穀剛直。不回。端亮有守。始以翰林學士傳。英宗繼建。人內閣輔政。改汝爲因。

委

二字所全
世多

格特公論景奉間力主遣使連鑾之議及其還
建備禮郊迎策天順初以老疾乞歸遂率十家進退有
道始終不渝加之贈錢貳表
臣等得贈太保諡曰文義

二月令冒報迎駕功陞官者俱自首改正時法司奏石亨
等冒報陞官者俱合查究上召李賢曰此事可否恐驚

動人心賢對曰若查究則不可但此等冒陞職者自不能
安欲自首猶豫未決若朝廷許令自首免罪事方妥帖

上曰然遂行之于是冒報陞職者四千餘人盡首改正或
有諫欲追其支過俸糧者賢曰不可戶部奏請傳責乃免

○德秀諸王出關讀書上皇嗣六長皇太子次德王

次秀王

德王

次崇王次吉王次徽王後秀王驛絕之會

公私又不
能保都弟
之中不中

天下舉人以學士呂原向貴少卿兼修撰林嶽陽等就
取陳選等一百五十人時舉人不中有怨考官者與李賢
弟李讓不中揣賢亦怒考官遂鼓其說奏考官黷文類例
宜正其罪上疑之召賢問曰此舉人奏考官黷例以處
之賢對曰此乃私忿考官無弊如臣弟讓亦不中可見其
公上乃命禮部會翰林院考此舉子荒疎且其人在妄
遂枷于部前羣議方息

三月廷試賜王一葵李一通王環等進士及第出身有差

是科有祁順者廣東東莞人遂于學問廷對當爲第一
以其姓名近御諱於傳臚弗便也乃押置二甲第
二云此榜得陳選張元凱
張悅劉忱周經黃孔恩

起軒輓爲方都御史總理南京糧儲石亨旣死上每念其廉正不易得故復召用

五月靖遠伯王驥卒年八十三贈侯諡忠毅

八月虜酋來大舉入寇自大同威遠西擁衆南行邊將

何讓

高陽伯李文按兵不敢當其鋒已而虜衆直抵雁門關代朔忻州一帶四散掠搶炮火徹于京師人民驚疑并家走避擁入京城勢莫能止李賢言于上曰京師宜出軍于

紫荆倒馬二關駐劄非欲與之對敵一則安撫人民三則使彼知懼不敢深入久停會兵部奏欲遣將統京軍赴大同殺賊上曰緩不及事徒勞人馬駐關恐可拘紮是

道都督顏彪領兵赴紫荊關。馮宗領兵赴倒馬關。然此處
既有所獲。見我軍不動。去而復來。遂復勅二關之軍赴雁
門。人民恃以不恐。既而虜亦引去。○南京刑部尚書耿九
疇卒。上聞之曰。可惜此老。以左都御史蕭維禎代之。維
曰。清惠。

鄭曉曰。公孝友純至。居喪秉禮。平生無他嗜好。公退焚
香讀書而已。交游不泛。請謁不至其門。雖權貴亦敬懼
不敢犯。論是非。確然不肯說隨。好苦嫉邪。別白
太過。以故與衆不合。累遭譴用。予諒亦爲名臣。

十月 上御西苑。閱將臣騎射。令三營管操侯伯都督都
指揮指揮皆騎射。以三箭爲率。上親按籍記中否。賜鈔
有差。既而試御馬監勇士亦如之。非黷其畏避不趨事者。

自是將士知所奮勵。○命僉都御史韓雍巡撫大同陞辭
召至文華殿賜錢。上諭之曰善爲朝廷守北門。

雍精悍濶達多智畧時出已意經畫防守城堡部署將
校糾去奸黨訓練士伍逾年戎政大修虜不遁塞其在
都察院時錦衣指揮劉敬因石亨連坐有謂敬曾逆亨
至值房同飯欲坐朋黨雍曰律之本意謂交結朋黨者
亂國政者今敬與亨交而非亂政況亨得志時誰不歸
聚其門若以一飯即坐此罪則曾赴宴會者何以罪也
衆以爲然敬得從輕坐

禮部左侍郎掌欽天監事湯序有罪下獄降爲太常寺卿
卿仍掌監事閏十一月十六日早見月食欽天監失於推
算不行救護上召李賢曰月食人所共見欽天監乃徒
於推算如此因言湯序掌監事凡有災異必隱蔽不奏

見天文有變必由爲解說甚至書中所載不祥字語盡
改削而進惟遇天文喜事却詳說以進且朝廷正欲知災
異以見上天垂戒庶知修省而序乃隱蔽如此豈臣下盡
忠之道乎于是下序獄降職○召巡撫南直隸右副都御
史崔恭爲吏部右侍郎

按按國雜記天順中南直隸清理軍伍御史郭觀持法
頗刻崑山縣有一人誣首至逮二十四人充軍者欲訴
冤於巡撫崔公或云巡撫與御史各領勅書行事訴之
無益或云在京刑部都察院獄情必大理寺評允無礙
方敢決斷御史在外行車傍若無人刑獄苟有冤抑伸
理平反非巡撫而誰訴之崔公果爲平反二十四人皆
復爲民時又有提督學校歐御史者考校多不公被黜
者訴于公公一一親試之與選者移送入學其後多頌
名

釋徐有貞歸田。一日上御文華殿與李賢王翱論人才高下。上曰。若徐有貞才學亦難得。當時有何大罪。只是石亨張軹輩害之。寧免後世議論可令原籍爲民。

辛巳

天順五年

四月。上謂李賢曰。今府庫錢糧所入者少。所出者多。且軍官俸一季關銀十四萬餘兩。奈何。賢對曰。自古國家惟怕冗食。今一衛官有二千餘員者。在京軍官老弱殘疾者。宜令兵部漸調出外。却以軍補其缺。以省冗費。上領之。賢又言。軍官有增無減。且天地間萬物有長必有消。如人只生不死。無處着矣。自古有軍功者。雖有金書鐵券。誓以

永存然子孫不一再傳犯法即除其國或能立功又與其

爵豈有累犯罪惡而不革其爵者今若因循久遠天下官

多軍少民供其俸必致困窮而邦本虧矣不可不深慮也

上曰此事固可慮當徐爲之○大明一統志成凡九十卷

七月曹吉祥謀亂及其從子昭武伯曹欽逆黨盡誅之

按吉祥在正統景泰間屢領兵出師麾下多達官驍勇善戰結爲恩惠收以腹心天順初呼召此輩迎駕俱陞大猷在軍事發日功者俱革去此輩又爲吉祥所庇不勅自寧安主獄其驕恣積戕抑之吉祥不自安漸起異圖從子欽日功封爲武伯內暴殺人事學爲御史所劾上怒之而下詔戒諭燕舊之臣欽益懼遂與吉祥謀不軌欲幽上于南宮而立皇太子時孫致馬昂以是月會二日祥朝出師吉祥送令欽約與又都督鐸從是月會二日祥朝出師吉祥送令欽約與又都督鐸誘燕兵入宮爲亂而吉祥爲內應是日

晚恭順侯吳璘、侯府僉事完者禿忽，如其謀。諸長安門告變，夜二鼓，召中官，執吉祥以俟。天曙，四鼓，鼓合番漢兵五百騎，祖淵直抵東西長安門殺傷衣衛指揮達旦，并女都御史寇深，擊傷大學士李賢，廣寧侯劉安，執王璉於東朝房，時禁門覺變不開，執黨從大興東西皇城門及東華門朝臣悸散。此時王師始集，詔會昌侯孫繼宗將之，孫隆督諸軍先登恭順侯吳瑄及諸將分道進擊，馬昂以精兵殿之，大戰于東華門外，自辰至午，鏖敗走斬之，瑄為欽所殺，拒至西，鉉以百餘騎突陣，鏖發神箭少射之，斬鉉及鏗，於是欽走匿其家，涌井中，伯顏也先獲城遁，追獲之，是晚上下御膳，將士餘盡並流燕南，時京師有賀三老者，曹欽妻父也，先是見欽勢日盛，絕不與往來，欽嘗欲為求一官力辭不可，及欽謀反，凡戚親誅竄殆盡，三老獲免。

旌死事追封吳瑾梁國公謚忠莊贈寇深少保謚忠愍○
論滅賊功加孫繼宗太保孫鏗進封懷寧侯馬昂王翱李

賢並加太子少保進完者禿亮爲都督餘將士陞賞有差
論曰甚哉吉祥欽之恩也蓋與不十數輩高衆不滿千
人而上活下庶何無可乘之隙欲以此際謀爲逆世豈
有能濟者哉王師捕誅如快厥窮氣耳雖然亦幸其謀
之泄也假令門啓欽輩得人事合卒起毀陸間吉祥又
爲之內應雖天祐皇明諸兒必就誅殄而於國體不
大有墮損哉其得蚤發而殲羣逆謂非天祐祐之不可
也乃吳瑾之發亦孫鐘之
討賊其功皆大可紀者

以大理寺卿李賓爲右都御史時寇深被害舉代者李賢
首薦南京刑部尚書蕭維禎上曰此曾在吉祥處通情
吉祥力薦之非端士也乃用賓○以擒逆賊詔告天下布
寬卹開言路○賜兵部尚書馬昂玉帶及緒金麒麟服昂
初附曹吉祥嘗薦曹欽得管大營禁兵至是以誅欽有功

因得掩其荐欽之罪而昂自是寵待特厚賜資無虛日衣
有虎撒哈刺雖諸勛戚不可得者皆得以賜○擢吏部郎
中萬祺為太常寺卿

蘇江西南昌人少選異人相之曰有仙骨否則極貴因
留一書與之乃錄金法也于是朝行於卜公卿家貴多
奇中景泰間以吏部辦事吏部神其術拜鴻臚序班進
士簿景帝召見有言輒說賜以白金彩幣及不豫有
議召襄藩者石亨以問祺祺曰皇帝在南昌要事他
求刻期復辟與全盤占及徐有貞即觀象象合上既
復位召見文華殿即日擢吏部驗封主事景進員外郎
郎中曹欽反執王翱李賢時祺在傍欽問之對曰公勿
負國家宜以欽上謝則自求多福又徐謂曰尊翁碑文
非李公筆耶公勿忘父欽從首其兄舞曰萬君言是欽
乃揖王李二公而退事平上聞其壯之召
祺賜宴勞焉遂陞太常卿景泰至工部尚書

上與李賢從容論人才及工部尚書趙榮賢曰此人可取

如曹賊反時。文職皆畏縮逃避。况兵非已任。誰肯出頭。惟
榮自奮。披甲躍馬。呼于市曰。好漢皆來從我。曹家是亂臣
賊子。當共剿殺。我輩是忠臣義士。不可退避。於是從者數
十百人。能于陣前鼓舞獎勵士卒。滅賊成功。如此存心行
事。人豈能及。上曰。固忠臣也。

按正統末也。先奉 東輿入寇京師時。虜情反覆。人心
洶洶。時榮爲中書舍人。獨請往迎。學士高穀壯其志。解
所求金幣贈之。趙公
二事。忠義一時鮮麗。

冬虜酋阿羅渡河入套。寇延綏。

按河套週廻三面臨黃河。上紀綏。可耕。系切近陝西榆林堡。東至山西偏頭關。西至寧夏。南至延州。北至黃河。遠者八九百里。近者四五百里。周之朔方。秦之所取。匈奴河南地。漢之

吳之所據以爲國者也。唐三受降城，在河套北，黃河之外，元東勝州在受降城之東，國初虜通河外，居漢北，延綏無事，正統以後，浸失其險，虜始渡河來犯，進時，守都督王竑始築榆林堡，城設法禦之，築貯望遠堡，創緣邊一帶營堡，累增至二十四所，茂卿延安綏德慶陽三路，景泰初，虜犯延綏，不敢深入，天順初，阿羅出向我邊，人以爲禦導，遂知河套所在，入居其中，以伺撓便，不時出沒，遂爲邊境剝膚之害矣。

十一月 上召李賢至文華殿，因說吉祥事，曰：「此輩放縱前日見吉祥敗，稍稍收斂，近來又放縱，朕每戒曰：『汝等不可如此。』且如吉祥，非無功勞，一旦犯法，不可留矣。且朕在南城時，汝輩如何過來，今日不可忘了。朕今在位五年矣，未嘗一日忘了南城時，此等言語，常時告戒，先生豈知？」又

曰朕一日之間。五鼓初起。拜天畢。司禮監奉本半日。自看朝廟行拜禮。各廟皆然。出則視朝。退去朝。母后畢。復親政務。既罷。進膳。飲食隨時。未嘗揀擇。去取衣服亦隨宜。雖着布衣。人不以為非天子也。賢曰朝廷節儉。則天下百姓自然富庶太平矣。○令天下生員年四十以上者。考選送國子監。

丘濬曰。洪武永樂間。取士之途。科舉有定額。薦貢有定格。學校貢舉。與吏部選調。其數適相當。當時選用者。未聞乏人。而需選者。未聞淹滯。近因言者謂士子之在學校者。多衰老。乃增開貢餉。其後又因國計不足。立新果上馬人監等名目。于科貢之外。別開選徑。遂致人才數倍于前。有累次十年。不得選者。往往衰老子。選用衰老之人。昏聩清沮。今滿天下。而欲事理民安。誰能

壬午 天順六年

正月虜酋毛里孩阿羅出猛可與孛來相仇殺而立脫思爲可汗虜中言脫思故小王子從兄也於是毛里孩阿羅出孛羅忽三酋始入河套爭水草不相能以故不深入爲寇時遣人貢馬

二月復設提學憲臣

三月陝西管糧布政司參議尹旻奏賊退河開軍馬衆大人民供輸困極請乞罷兵而議者懼有後警難之李賢上言兵出在外可暫不可久暫則爲壯久則爲老且黠賊在邊安能保其不來侵犯若慮其復來不可選兵更無休息

之時。今陝西人民疲困已極。若不赴河開之時。暫遣軍馬寬其供給。人民愈加逃竄。根草既缺。大軍亦難駐紮。況今年不得耕種。明年愈乏根草。寧可暫去暫來。不可久留在彼。庶使民得乘時耕種。日後或再用兵。不致悞事。此時莫若令彼處官軍。且耕且種。調去軍馬。俱令回還。只留文武官各一員提督彼處城堡軍馬。庶爲允當。上命廷議從之。○訓知鎮江府林鶚知蘇州府。時蘇學廟像歲久多剝落者。或欲因其舊而加以修飾。鶚奮然曰。塑像非旨。我太祖于太學。易以木主。百年夷俗乃革。彼未壞猶當毀之。幸遇其壞。易以木主。有何不可。或以毀聖賢像爲疑。鶚云。

此土泥耳豈聖賢耶孔子生於佛教未入中國之前烏識所謂泥像哉況古人席地而坐政不如此也于是并易從祀諸賢皆爲木主

丘濬曰塑像之設中國無之自佛教入中國始有也三代以前祀神皆有主無所謂像設也不知祀吾孔聖何時而始爲像嗚呼姚姒比劍敢有造泥人銅人者門徒則泥人固非中土祀聖人法也後世莫覺其非亦拘異教而爲之郡異縣殊長短已瘠不一其狀甚非神而神之無聲無臭之道也竊觀聖祖紹段郡邑城隍塑像用其土泥壁以繪雲山載在今甲遠聖祖之制以革千古之夷教豈非萬世儒道之幸歟

四月朔奉天門奏事畢上起召禮部尚書石琚琚疾出班趨走欲上右階鴻臚寺官呼止方轉回御道跪承旨授勅遷祀朝罷上召李賢曰石琚動止失措如何爲禮部

尚書賢曰宜令其自退庶全大臣之義因薦戶部侍郎
唐代之賢即報瑁疏乞致仕上見瑁疏不忍其去曰
爲人篤實豈可因此小失而退命太監牛玉勅吏書王
與賢議留之陞張唐爲戶部尚書仍管糧儲

八月內閣學士呂原以憂制去位未幾卒贈禮部侍郎諡

文懿

原字達原秀水人天性純孝貌容端偉少好讀書博洽
能出入經史父景州學官殁不能歸喪權厝景州時時
哭墓訓景人爲之流涕已而奉母南歸家窮甚力學志
不棄如府黃熱閱其文奇之召見衣破其試之學業文
詞理皆勝問之經書輒能默誦熱益驚異與之新衣不
受又以葺理費舍餘材授之又不受太守大奇呂生當
是時太守得輒補學諸生熱遣公入學是秋發解浙江
明年進士第二入翰林時正統七年也既而充誦讀官

晉制誥于東閣。景泰中進講。讀學士。兼中允。天順初。改通政左丞。兼禮侍郎。入內閣。尋陞翰林學士。石曹寵用。事知穀原。朝夕青袍。笑曰。行將爲公易緋。原不荅。重修大明一統志。充揔裁。以母憂去。道景州。啓父老歸。合葬奉載舟中。寢苦枕塊。極哀毀。竟病。抵家。尋卒。得贈諡公在閣六年。謫謫不苟。取于性。險約身無綺袂。篋中惟賜衣數襲。子憲憲試中書舍人。舉順天鄉試。歷官南太常卿。有學行。原與賢同。在內閣。賢追述。應附。原守正持重。故爵位所至不同。

九月四日 皇太后孫氏崩。尊謚曰孝恭章皇后。○太傅吏部尚書致仕王直卒。年八十四。贈太保。謚文端。

建曰。按張樹哀談。王柳庵還政歸泰和。自有數落花詩云。故愛東園桃李花。可堪飄蕩委泥沙。人生榮謝皆如此。不用賸流起嘆嗟。愚謂柳庵自登進士。即入翰林。爲侍從三十餘年。爲冢宰十六年。無一日不在寵榮之中。晚年落三孤位一品。垂八耋。而後謝政。五福極矣。乃猶有飄蕩委泥沙之歎。然則必如三楊之卒于位。乃爲不

飄委耶抑猶致恨於西楊之不與共政內閣而出理部
事耶其惡惡如此宜其屈節於奸邪之專橫而米何無
阿附之議委靡於景奉之易儲而徒賴足於
私室也嗚呼知足之義知止之節尚誰望耶

以項忠爲右副都御史巡撫陝西先是忠爲陝西按察使
適陝飢忠以拯民爲已任不待奏報輒發倉賑之聞繼母
喪軍民請闕乞留詔奪服反任明年徵爲大理卿陝人復
赴闕借留天子欲慰陝人乃有是命

按正統末項襄毅以刑部員外郎扈從北征土木之敗
爲虜所繫北去今忠節馬謀歸久之忠伺便挾二良馬
而南越四日馬疲遂步奔攀崖步趨北七晝夜達
宣府視其足皆血忠亦以部屬扈從頗歛而還嗚呼土木
之變文武皆盡忠獨存于虜者何限非諸公之勲名事業有

癸未 天曆七年

二月會試場屋災。○是月晦夜空中有聲。李賢密疏曰。無言無形有聲。謂之鼓妖。上不恤民。則有此異。惟陛下憫念元元。凡一切不便於民者。悉皆停罷。則災變具弭。上覽之。復命賢具寬恤事條密封以奏。賢因疏十事。上陳。上皆從之。即詔行天下。賢又請罷江南所造段匹及磁器。清錦衣衛所監罪人。止各邊守臣進貢及止下番所遣使臣。停中外買辦採辦。上不從。賢執之數四。上不從。止取前十條行之。左右見賢力爭。皆寒慄。同列亦爲賢懼。賢曰。古之大臣。知無不言。今雖不能盡。然至於利害繫國家。

安危者豈可默然以苟祿位然上知賢之深終不以得忤也。

廖道南曰嘉謀嘉猷入告于內與國言數奏者不同內閣事功稱三陽一李然其所遭際可考也夫惟舉色不駸而謀意潛主閣歷既多而謀見素定乃可以當此然亦難矣岳正在內閣嘗密言吉祥不可罪惡二人譖之被黜有士人告之曰先生犯孔子戒矣問之云何則曰未信而諫是也正曰臣被簡用置左右責任教誡甚至敢不盡心若子以諫官處我則恐未然夫正之言諫是也沃心之論造膝之謀初不出于表暴而天下自陰受其毀此內閣之所以異於諫官也若宣稱委任楊李真可謂萬世法

追謚宣德廢后靜慈仙師胡氏爲恭讓章皇后孝恭皇太后既崩錢皇后爲上言胡后賢而無罪廢爲仙姑其死也人畏太后殮葬皆不如禮勸上復其位號

上下機事
千寶可謂
隆理

聖后

上欲從之而左右以為不便一日召李賢問之賢對曰陛下此一念天地鬼神定臨之然臣之愚必須以陵寢享殿神主皆如奉先殿式庶幾稱陛下之明孝不然為虛文上即命舉行之

萬曆雜記 錢皇后素性孝謹絕無妬忌 英廟北狩每夜寢臥必拜天德則卧地四指一指哭泣太多復復日所宮中之所有佐迎駕之費 英廟在南城每不快后每由為廷解復辟之後處 景皇后嘗盡廢焉

八月禮部奏補試天下舉人命太常少卿兼學士彭時侍讀學士錢溥為考試官取吳鉞等二百五十人○致仕少傅禮部尚書胡濙卒年八十九歲贈太保謚忠安

按漢廉節家欲自來濬溥居官敬慎立朝幾六十年為尚書三十餘年恩榮始終世莫與比然為人淳謹乏骨

王、袁、李、胡、
忠、安、皆、以、
少、風、節、始、
取、乃、知、賢、
者、當、自、處、
于、無、缺、之、
境、

便風節是故國恤建文之難免首王振之事至宣德初
后景泰易儲之議漢職司宗伯皆庸幸阿順無所匡攝
未免畏縮保身之意重云。

下錦衣指揮僉事袁彬獄尋釋之調南京錦衣衛時都指
揮門達有寵總督官校緝事兼鎮撫問刑權傾中外橫恣
羅織人莫敢言惡袁彬質直不阿自計得以進言別是非
于御前者惟李賢與彬二人而已謀排去之乃使邏卒據
據彬陰私數十事上之上欲法行不以彬沮諭之曰從
汝拿問只要一个活袁彬還我彬既下獄拷掠欲置彬死
罪有採漆軍匠楊暄者憤然爲之不平上疏論救言昔者
駕留虜庭獨彬以一校尉保護聖躬備嘗艱苦今卒然

齊人

續齊吳士
像事而解
題之

付獄乞御前審錄則死無憾并條陳達不法二十餘事擊
登聞鼓以進上令達逮問達逼暄令供李賢主使暄懼
拷死于獄乃佯應諾曰此實李閣老教我爲之但我言下
此無人證見不若請着多官庭鞠我對衆言之彼無得離
達信之遂以聞命中官會法司官訊于午門暄大言曰死
則我死何敢妄指他人鬼神昭鑒此實門指揮教我扳指
也達失色計沮彬遂得從輕調南京

黃琦曰石亨初欲陷徐有貞得馬士權不屈而免今門
達欲陷李賢以楊順不屈而免世苟嘗無義士哉王使
之矣今猶襲用之豈成憲然哉賢之不
爲有貞特天幸耳吾於二義士有感

擢山東按察使王越爲右副都御史巡撫大同時襄陽

題宗留心
列入如此

可爲巡撫者。上以其人貌陋，論李賢曰：大同巡撫須得
以韓雍人品方稱賢。以越對。及越至，陛見。上復謂賢曰：
王越是奧利武賊打扮，遂用之。

越後進封威寧伯。佩印總兵。削爵復起。繼
制三邊。久膺帥寄。與胡虜數十戰。多捷。

李賢爲門達所誣。既白。上疏乞休。且以知足不辱。知止不
殆爲言。上不允。曰：此細故。何用介意。

十月，游涇陽鄭白故渠。

甲申 大順八年

正月，命太監周中於奮武營，右少監王亨耀武營，太監唐
順練武營，右少監林貴奉顯武營，太監張溫敢勇營，右少

監趙永果勇營奉御郭達效勇營右少監米童鼓勇營左副使高廉立威營奉御王璣伸威營右副使張璘揚威營奉御張紳振威營監神鎗仍聽太監劉永誠節制

此內臣分坐十二營之始也

上不豫既而大漸乃處分後事命太監牛玉執筆口占使書之其一東宮即位百日成婚其二定后妃名分其三命勿以嬪御殉葬其四言殯殮器服書畢令牛玉曰將去閣下着令爲朕潤色玉至閣李賢與陳文彭時驚惶歎曰所言關大體非上英明不能及此而止殉一事尤高出古今真盛德事也○是月十七日上崩

按我朝自太祖以來皆以妃嬪殉葬至景泰之
猶然迨英宗遠諒始革自是累朝皆從之嗚呼
英廟之仁至矣抑伏觀英廟以一人之身而天
行事與正統大徑庭何耶蓋英廟初以幼冲嗣
位生長深宮未諳世故以故輕聽土木之變卒
起天下幾危及北狩踰年而歸於是艱難險阻
備嘗之矣人之情偶悉知之矣暨復登大寶遂
躬親政務屏遠權奸精明之治先於祖考此我
太祖成祖之教太子太孫必欲其周歷農家以
徧觀民情風俗及農桑勞苦之事也垂訓遠矣
鄭曉曰上天資英明中年嗣位孝敬重闕信任
舊臣留心學問不喜玩好純親政崇儉恤民
夙夜孜孜調祖省役每勤詔諭禮祀羣神加俸
百官開荐舉嚴考察設提學祀宗儒謹災
恤賑賑賦里文武將相宰執侍從臺諫皆
務擇人久任尤惓惓詢民間利病即嘗北
狩本為社稷非徒忘幸已也復辟之後
民小小心翼翼石晉既誅閔念于岳進賢
去邪益加明慎萬幾精覈號稱治平若乃
禮遇孝莊追諡恭讓悼念建文友愛景
帝帝升遐治命定后妃禮分止頒御珣
葬尤崇德事也

二月二十日 皇太子即位。○尊 聖母皇后錢氏爲慈
懿皇太后。生母貴妃周氏爲皇太后。先是 大行既崩
上在東宮。即命太監劉永成。夏時。傅恭。會昌。侯孫繼宗。懷
寧侯孫鐘。尚書王翱。年富。馬昂。內閣學士李賢。陳文。彭時。
爲議事官。計議處置軍國重事。遵累朝例也。上即位之
明日。即命議上 兩宮徽號。夏時倡言 錢皇后久病。今
只尊所生母 周娘娘爲太后。李賢曰。天子新即位。四
海願望。宜遵遺詔。庶幾順天理。服人心。景泰初事。例不可
法。彭時曰。此言是也。朝廷所以服天下。只要正綱常。今若
只尊所生。恐損聖德。夏時曰。待請命。少頃出傳仁壽宮旨。

曰子爲 皇帝母當爲太后豈有無子而稱太后者宣德
自有例彭時曰今日事與宣德年間不同胡后曾上表讓
位退居別宮故正統初不加尊號今日名分固在豈得不
尊臣子若阿諛順從是萬世罪人也所以不敢不極言者
爲欲全 皇上聖德非有他意若推大孝之心則 兩宮
同尊爲宜衆皆然之夏時再入請命良久出口得 上位
再三勸諭已蒙俞允矣將草詔李賢彭時復議曰同尊固
好然須要照上 聖例加二字不然無分別乃於 錢太
后加慈懿之稱而貴妃止稱 皇太后焉翌日頒詔天下
是日同議者懼忤內旨有後患者遂默然不語李賢開端

少者其

而彭時極力繼其後賴上孝事兩宮如一故能委曲

勸諭仁壽宮以成大禮焉○下侍讀學士錢溥猷請廣東

順德知縣出兵部侍郎韓雍為浙江參政

又亦無相也哉

按溥松江華亭人淳熙嘗進正統中進士時太監王振訪可教內侍書者或存諫試舊薇露詩大加稱賞侍校檢討累今官溥所教內侍後多顯者溥之官與陳文鄰內侍每來溥治必邀文共飲及英廟大漸太監王倫者嘗受業于作讀東官主是求謂溥文意必召已竟不召乃使人當伺之倫言上不豫東官納如如何溥言當以遺詔行事已而內閣草遺詔令賢當秉筆文起奪其筆曰無庸已有草之者矣遂言溥倫定計將退賢以溥代之退兵部尚書馬昂以韓雍代之賢怒以聞乃下溥獄韓雍亦貶

上大行皇帝尊謚曰法天立道仁明誠敬昭文憲武至德廣孝睿皇帝廟號英宗○葬祔陵○錦衣衛都指揮門達

有罪下獄。謫戍南丹衛。召袁彬復還舊職。言官劾達欺罔。故殺諸大罪數十。謫戍烟瘴。達卒死。謫所彬復職。饒送達出城如禮。不念舊惡。時以爲難。

三月復前御史楊暄、張鵬、修撰岳正等官。○廷試進士。賜彭教、陸欽、羅璟等及第。出身有差。是榜共二百四十七人。內劉大夏、張敷華、戴珊、樊瑩、謝鐸、李東陽、倪岳後皆顯著。○甘肅總兵官宣城侯衛涇巡撫會都御史吳琛率師討西番。破之。先是西寧番酋把沙作亂。命涇等討之。涇與琛將中軍督甘涼蘭鞏山丹莊浪等衛所官軍三萬五千人。分五路以並進。追至駱駝山。寫爾冲殺唐川。俘斬共千七

百餘人獲牛馬羊二萬有奇

復定襄伯郭登爵鎮守甘肅尋召還提督十二團營

登注至孝有文武才母疾而割股作羹以進居喪哀毀骨立不肉食笑語者三年所上章跪指自瘠之尤善吟咏有聯珠集行于世

六月禮部左侍郎兼翰林學士致仕薛瑄卒贈吏部尚書諡文清

瑄為學無所不讀一言一動於道有益便自於心不安其出處光明愛慕先哲貴則遠引如也瑄教人惟倦於復性嘗曰讀書窮理須實見得然後驗于身心體而信之不然無異於買讀而還珠也所著諸書錄數十卷多名言

陳建曰近聞名臣言行錄記薛文清罷內閣歸中途被執致其子阻見為卿相而致歸途絕糧亦明時異事也

嗚呼有官居爵無地起樓臺昔人以爲美談今文清高風介節視之不更奇耶

七月立皇后吳氏

八月上御經筵賜講官學士柯潛等白金文綺寶鈔○
修英宗睿皇帝實錄

十月廢皇后吳氏立皇后王氏下詔言先帝臨御之日爲朕簡求賢淑以定王氏育于別宮以待期不意牛玉狗偏已私朦朧奏請將已退吳氏再立位不稱德不得已請命母后廢黜吳氏仍遵先帝成命冊立王氏爲皇后明正牛玉之罪

調右僉都葉盛巡撫宣府時盛以右僉都御史巡撫兩廣

昔今文雅
入內閣則
諸邊中兵
無不修舉

議事至京給事中張寧等合意舉盛堪入內閣李賢素不
悅盛沮之乃轉左僉都御史巡撫宣府盛至鎮修復官牛
官田之法墾田益廣積糧益多以其餘歲易補戰馬千八
百餘匹其屯堡廢缺者力修築之不數月完七百餘所。

按水東日記宣府官田成化初買補官牛五千七百餘
頭墾地四千餘頃歲租銀七萬四千有奇衛所驛站
官牛屯粮不在此數應接表

革太平侯李瑾與濟伯楊宗等爵時有內直將軍愬天順
初因入直迎駕而陞非冒功者今一切褫職非法意上
念其久于役特復之而以迎駕奪門陞者因紛然入訴不
已李賢言于上曰自石亨輩此舉之後人以得富貴之

易、貪利者惟幸有事，宜早治之。且請復于謙等官，以雪曲枉。上是之。即命兵部以迎駕奪門陞者，自太平侯而下俱奪爵。于是冒功者俱革，而紛紛入懇者始息矣。

按大明書典，是年冬十月，城有功陞職者，被奪走馬遇駕者，反出使之利乞陞者，天順初迎駕陞者，擒獲妖言陞者，俱革。不准襲職。祖宗朝之取武職而不濡如此，今文達彭文憲當國之功也，厥後萬安劉吉當國，而注並用事，日月濫不可勝言矣。

宮內一隅
何以莊焉

以順義縣安樂里板橋村原抄沒太監吉祥地一所，撥為宮中莊田。其地原額一十頃十三畝，初吉祥占過軍地二十四頃八十四畝，共三十五頃。皇莊之立始于此。

按嘉靖初葉祥道官查勘，又占過民地四十五頃，共三十五頃。數十年後占之數，過於原額幾十畝。莊田之

龍來能
與用不窮

害始此舉此一
處其他可知

擢真定府東鹿和縣盛顯為邵武府知府

顯無錫人初為御史以言石亨請知東鹿邑豪右聞其
來相戒曰是輩勸不絕兵者其人不可犯也顯至變博
擊為撫循吏畏而民安之未幾丁內艱去民留之不可
俟其服闋相率請留之顯再任從之雖至不復用刑有
有爭訟者論之以理取明頭聽受不復辨鄰邑訟多年
不決者各來請顯析之以片言各心服而去時人有清
如水明如鏡之語邑人真定二府間四境之民亦聞風
趨赴郊外有荒落處然聚以成市邑人因稱清官店
累陞左副都御史

憲宗純皇帝紀

乙酉 成化元年

正月詔釋戍邊陳循江淵俞士悅等還鄉王文于宗彝兩

謙子冕謙婿朱驥等並放還仍給還家產冕自歸所
上疏訟父謙之寃上問之追復謙故秩遣行人馬繼往
祭其墓復冕世襲千戶冕後奏換文階累官至應天府尹
王宗彝後第進士官至尚書
奏還父寃復官賜贈及謚

召王竑爲兵部尚書李秉爲左都御史先是兵部及左都
缺給事中張寧等欲上疏乞起秉爲兵部竑掌都察院恐
左右有間密以奏章請教于內閣李賢曰求調護賢視章
陋之謂寧曰薦人但當言其可用若預擬某官於事體得
無碍乎寧深服之乃退而易章以進翌日御批竑爲兵
部秉掌院事

二月行耕籍田禮。皇太后壽誕。建設齋廳。禮部尚書姚
夔、欽會大臣收買炷香。相率詣寺觀行禮祈福。給事中張
寧上言。皇上表揚孝心慰悅。聖慈無所不用其極。人臣
當和衷敬德。仰贊聖孝。以綏懿祉。釋老不當崇奉。辦香
非可所祝。行之祇壞風俗。傷名教。不報。

按名臣錄。張寧為給事中。遇事敢言。章日數上。每有大
議。景帝必問張給事中云何。英廟復位。尤所眷注。
嘗獨召寧論事。每對廷臣。稱真給事中。晚年欲大用之。
會晏駕。不果。景泰天順間。為諫官第一人。有單莖素重
寧。累遣人邀與相見。尚書姚夔咸對寧。
行卒。不往。其介如此。寧。浙江海鹽人。

擢河南左布政使王恕為右副都御史。撫治南陽諸麻。

恕。陝西三原人。知揚州。有惠政。昇挺獄。歲飢。奏廉平。
嘉靖民立。不頌德。請九載起遷。江西右布政使。教河。

兩廣蠻寇作亂。命都督僉事趙輔為征夷將軍，總兵討之。起韓雍為左僉都御史，贊理征夷軍務。

是時兩廣蠻寇大狗亂甚，蔓延廣東高廉雷之境。所至殘毀，上初即位，銳意南討。集廷臣議，兵部尚書王竑言：「峽賊稱亂，其始由守臣失策，以招撫圖為苟安。長其禁，驚警諸驕子，愈借愈噉，非流血捷之，噉不止。為今之計，當大發兵討之。」竑見浙江參政韓雍智勇過人，材兼文武，屬以討賊。可紆南顧憂，而諸將中惟都督趙輔材畧可任，乃推雍為僉都御史督軍務，輔為征夷將軍，帥兵討之。右都督和勇為游擊，太監盧康、陳宣為監軍。戶部侍郎薛遠督餉，御史劉慶任霖紀功開外之事，一以屬雍。

三月 上幸太學，行釋奠先師禮。

四月，以都給事中張寧為汀州府知府，修撰岳正為興化

知府時給事王徽等劾內閣李賢不職俱逮謫寧俱論中
救又有忌正者僞爲彈賢疏某賢並叩之會兵部請黃官
缺尚王竑合薦寧正賢乃假歷練之說票陞知府竑引疾
歸寧正抵任未幾皆引疾居家不復起時論不平○襄鄧
山中流民劉千斤等殺十萬人作亂初錦衣千戶陽英奉
使河南憂之疏請選良吏賑恤漸圖所以解散之策願占
籍者聽盜曠者宜絕禁民交通勢自不可久不報後鄧本
端追訟英之先見一言可當十萬師比之茂陵徐福
秋延綏總兵張傑上安邊方略請增營堡以護耕牧而所
轄東西二十五營堡每堡兵不過一二百人難以應敵府

合宜更撫
然上六
少中
東可以

何況生時

古之聖方

谷縣境極于東偏西距諸營八百餘里猝難應援乞選諸
營精兵九千分六哨屯府谷神木二縣龍州榆林二城高
家安邊二堡巡歷應援又延安地臨極邊郎州定邊慶陽
俱在腹裡遇警難報宜以郎慶防秋軍士二千出屯要害
以備調用從之○贈征兩廣流賊死事副使毛吉等官

軍中存餉銀若干委官余文密于吉獲經紀表其是夜
吉遇害絕呼諸夏憲長主命以遺銀還官毋汙我地下
丙戌 成化二年

兵部奏延綏巡撫盧祥言營堡兵少而延安慶陽府州縣
邊民多驍勇習胡敢鬪若選練調用必能奮勇各護其家
不待驅使者請勅御史往會官點選編成行伍號為土兵

原點民壯亦改此名其優恤之法每名量免戶租六石當存二子貼其力役五石以下者存三子三石以下者存四子時得丁壯五千餘人委官訓練聽調此陝西土兵之所由始也

蘇祥廣東莞人任延綏三年嚴武備肅

紀綱明賞罰毛里民連年入寇皆却之陳建曰國初額雲胡課當元末見天下亂慨然謂其友曰軍族錢糧皆民出也而今且之民其用已甚誠使常爲橫欲悉不以病民令民自田者每十石出一人爲兵而就食之以一郡計之未二十萬石常得精壯二千人軍無遠戍之勞官無養兵之費而二萬石之糧貯在也行之數年可使所在兵強而饒富也按此即募兵于農之意與此土兵之法相出入其事鑒鑒可行處于治安要議有制兵之條有因屯田制邊縣之說亦同此意

二月命京官荐舉方面官員○重修闕里孔廟成上製

文紀之。○太學士李賢丁父憂，詔奪情起復。賢乞終制，不許。命內使林興護送賢還鄉視葬。○會試天下舉人，以太常少卿兼侍讀學士劉定之、學士萬安爲考試官，取章懋等三百五十人。

三月，廷試，賜羅倫、程敏政、陸簡等進士。及第出身有差。

倫，吉安永豐人。對策時，用從伊川語。人主一日之間，接賢士大夫之時多，親宦官富妾之時少，執政欲截去下句，倫不從，此聲實。

祭故少保兵部尚書于謙官。文中有云：「先帝已知其枉，朕心實憐其忠，聞者感嘆。」

鎮守荆襄王信擊走流賊石和尚等，陞都指揮同知。

合則力完
分則勢牽
與教所主
相類其要

江淮旱人相食命右副都御史林聰往賑撫之聰奏借江
南糧及支運糧數十萬給民食且與之種○都督趙輔
僉都御史韓雍等討廣西蠻寇大破之兩廣地方悉平先
是輔等受命會同監督軍務太監盧未陳宣遊擊將軍和
勇帥大軍至南京衆議欲分江西軍及達官從游擊由廣
嶺入廣東大軍則從湖廣入廣西以賊在廣東宜逐之在
廣西宜困之雍曰不然古者仗鉞臨戎專制閫外今兩廣
已無完郡而大藤峽賊之巢穴不是之圖而趨其末未見
其能濟苟全師至彼南可以攻大藤峽援高雷廉泉可以
應南韶西可以取柳慶北可以斷陽峒諸路勢如常山之

蛇動無不應。舉無不克。何須于逐乎。自古蠻夷來寇。不可以禮義較。惟勝之而已。于是總率諸道兵。選進。用土兵爲先鋒。先破修仁荔蒲。遂進擒大藤峽。覆其巢穴。其中盤亘數百里。山澗險阻。有崖名九層樓。尤爲險峻。官軍直抵其上。磨崖記歲月而還。蓋自國初以來。但能威之。使不出而已。未有窮其巢穴而破之如此役者。遂易峽名斷藤。以誇武功。乃遣將四出。雷廉高肇諸寇。以次削平。自此蠻夷畏懼。兩廣浸安。雍等之力也。雍性剛果。主斷罔疑。賞罰明信。號令嚴肅。故兵出有成功。

韓雍征蠻。奏調達官。遣軍千餘名。專令都督俞全率一員領之。兩廣僑僮。出入山林。利用鋒鎗。刀矛短兵。不能

以達軍情
以達軍情
以達軍情
以達軍情
以達軍情
以達軍情
以達軍情
以達軍情
以達軍情
以達軍情

富騎射。故達軍所向輒勝。賊畏之。乃奏留調發。月給廩
下程柴薪。子冬夏衣。帳子孫亦許承襲。分條兩廣省
城及甯康神電各南安。揮官營房什富田租。至今其諸
徽聚處。不無懷悍難馴之患。亦在乎有司者善駕馭之
而已。

論平蠻功。封趙輔武靖伯。子孫世襲。擢韓雍左副都御史。
提督兩廣軍務。兼理巡撫。仍廢雍一子錦衣衛所鎮撫。○
置武靖州。○延綏紀功兵部郎中楊璩奏。延綏慶陽二境
東接偏頭關。西至寧夏花馬池。相去二千餘里。管堡迂疎。
兵備稀少。以致河套達賊屢為邊患。近有百戶朱長年。七
十餘。自幼藝游河套。親與臣言套內地廣田腴。亦有鹽池。
海子。葭州等民。多出墩外種食。正統間有寧夏副總兵董

備奏欲偏頭關東勝關黃河西岸地名一類。楊經憲檢勘
速速都六鎮沙河海子山火石腦兒麟石海子回回基紅
鹽池百眼井甜水井黃沙溝至寧夏黑山黃馬營等處共
立十三城堡七十三墩臺東西七百餘里實與偏頭關寧
夏相接惟隔一黃河耳當時議者以爲地土平漫難據已
之後總兵官石亨又奏欲將延綏一路管堡移徙直道是
雖不免暫勞一時軍民之力實爲萬世防邊之長策也
上曰楊璠所奏移堡防邊甚有證據其言有理兵部即會
官議處以聞

薛應旂曰音歷延綏慶陽二境注復千偏頭關花馬池
二千里間凡諸管堡試爲稽考詢之將官故老猶皆記

德揚揚之策且曰曾就幾千復奪其計蓋不出此惜乎垂成而殺身也

南京兵部尚書李賓奉勅賑濟南京流民衆議欲令官員軍民子弟納米送監讀書禮部尚書姚夔奏言國子監乃育才之地朝廷資以致治今行此將使天下以貨爲賢士風日趨于陋尚望其有資于治哉宜別爲處置上從禮部議勿許

閏三月兵部奏哈密地方被北虜亂加思蘭侵掠忠順王母率部屬避居赤斤苦峪今北虜已退宜勅王母復還舊地收其衆以衛邊塞詔可

五月李賢還京復上疏乞終喪不允遂復入闕視事

編修羅倫爲福建市舶司副提舉時倫上疏請李賢終制歷陳古今起復之非反覆數千言辭甚切直倫復請賢私第告以不可賢怒力辭內批出倫提舉御史陳選等交章乞留之不報編修尹直引文彥博待唐介故事請賢留倫賢曰潞公市恩歸怨朝廷吾不可襲雖貶出而士論益榮之○襄陽賊首劉千斤僭號于南漳命撫寧伯朱永尚書白圭督兵討平之時千斤以石和尚爲謀主劉長子苗龍苗虎等爲羽翼每戰輒勝遂僭稱帝號勢甚猖獗事聞命永爲平虜將軍總兩京及諸路兵討之以圭提督軍務至南漳湖廣總兵都督李震率土兵來會永有疾圭督震

分道進攻、一鼓摧其前鋒、賊退保寨柵、官軍乘勝攻破之、
擒千斤并苗龍等、劉長子石和尚脫走、深入叢險、已而永
痊領兵擣其巢穴、斬首九百餘級、指揮張英招降劉長子、
誘執石和尚出詣軍前、賊遂潰敗、又戰于古路山、斬首萬
餘級、獲賊將劉聰等百餘人而還、既而諸將爭功、忌張英
譖于大將、謂英多獲賊賄、捶殺之、班師論功、永進封侯、震
封興寧伯、加圭太子少保、○北虜毛堯孩入寇延慶等處、
都御史項忠、盧祥與彰武伯楊信嚴禦之、虜引去、

十一月、命兵部尚書王復、整飭延綏寧夏甘涼邊備、時復
奏、臣奉命整飭延綏寧夏甘涼邊備、東有黃河岸府谷堡、

西止定邊營、接寧夏花馬池、東西紮紆二千餘里、內多險隘、境外臨邊、無有屏障、止藉墩臺城堡爲守禦、舊城堡二十五處、參差不齊、道路不均、遠至百餘里、近或五六十里、兵馬屯操、反居其內、人民畊牧、多在其外、遇賊入境、傳報倉卒、調兵策應、事已無及、不過虛聲應援、及西南直抵慶陽等處、相離五六百里、烽火不接、北面沿邊一帶、墩臺稀疏、空間難以瞭望、臣與鎮守延綏、慶陽等處總撫等官、計議府谷等十九堡、俱係極邊要地、必增置那移、庶幾可守、越今北虜稍寧、先行摘撥軍餘採辦木植、候春暖土開、併力興工、府谷堡移出芑州舊城、東村堡移出高漢鎮、響水

堡移出黑河山上門堡移出十頃坪大禿鶻堡移出響鈴
塔白落城堡移出甌營兒塞門堡移出務柳庄不惟東西
對直捷徑而水冲亦各利便內高家堡至雙山堡榆林城
寧塞營安邊營定邊營相去隔遠合於各該地名厓寺子
三眼泉柳樹澗瓦剎梁各添哨堡一座就於鄰近營堡量
摘官軍哨守又於安邊營起每二十里築墩臺一座通共
二十四座連接慶陽定邊營起每二十里築墩臺一座共
十座接連環縣俱於附近官軍量極守瞭北面沿邊一帶
空遠者各添墩臺一座共三十四座隨其形勢以爲溝墻
必須高深足以阻賊來路因其舊堡廣其制必須寬大足

以積芻粟容客兵庶幾墩臺稠密營堡聯絡而緩急易於策應可以遙震軍威矣

按斯地皆堅壁臺堡有遺址率多廢址虜人出入如履平地當事者自傳塘報收斂人畜之外一籌莫展縱有請纓擊頭之心而委任權責則實有限言之督府漫不為意未如王復者固不可得矣

十二月迤北瓦剌太師阿失帖木兒遣使哈三帖木兒等

入貢

按舊例迤北使至入貢必由大同路其實資宴勞優於他處至是哈三帖木兒等乃欲朵顏三衛人從喜峰口入而詔先期以聞上曰迤北使臣既混同三衛來只以二衛常例待之哈三帖木兒以待薄不平形於言過事諭之哈三帖木兒書服罪仍以奉等禮待之遂執其罪混同三衛使母過四十人必從大同入朝使得以一意款

旁大澤賦

少保吏部尚書大學士李賢卒贈太師謚文達

賢，鄆州人。宣德八年進士，恭莊端重，練達時務。祿、浚初請減達官，引舊制。太學景泰中，上正本十策，議宗廟長策。上人君鑑古錄。天順初，請發內帑銀二十萬，賑山東飢民，與寬、鄭、江、南、五、大、水、又所遺諸議，策為耿軒、李、王、李、程、姚、崔、白、許、顏、馮、諸大夫、文武皆稱大任，雖初遭曹氏之外，繼繼推門達之議，然身未危而上亦旋悟之。英、陵初位，請出宮人，簡近習，及憂去，上道中所見軍民利病人事，又言。祖宗朝，宮禁甚嚴，內外密，內務充積，不得妄費，游有常所，毋起離宮，賜有常度，毋啓侍途，種種皆名言。誠後世之寶，極也。但正寧、熹、熹、熹、終身奔重，而奪情起復，遺以羅倫，則未免于相業。未光云。

刑部左侍郎廖莊卒，贈尚書，謚恭敏。

按莊心性坦直，遇事敢為，張飢之使，全侯彼危，復備一疏，大節凜然。